

摘藻堂四庫全書薈要

經部

欽定四庫全書薈要

經部

左傳注疏卷三十五

詳校官原任侍講臣王燕緒



欽定四庫全書薈要卷一千一百五十一

經部

春秋左傳注疏卷三十五

起襄公二十二年盡二十四年

晉杜氏注 唐陸德明音義 孔穎達疏

十有二年春王正月公至自會注無傳

經
夏四月

秋七月辛酉叔老卒注無傳子叔齊子

冬公會晉侯齊侯宋公衛侯鄭伯曹伯莒子邾子薛伯
杞伯小邾子于沙隨公至自會注無傳

楚殺其大夫公子追舒注書名者寵近小人貪而多馬

為國所患音義

近附近之近

傳二十二年春臧武仲如晉注公頻與晉侯外會念各將罷還魯之守卿遣武仲為公謝不敏故不書音

義

守手又反為公子偽反

疏

正義曰經書正月公至自會則武仲初發公仍未至傳言武仲如晉

正為御叔傲使不論聘晉之意故杜原公之未歸而遣使使又不書於經知是魯之守臣使適晉也二十六年鄭伯朝晉而歸使公孫夏謝不敏知此亦是為公謝不敏非公命故不書也服虔云武仲非卿故不書前年傳武仲為司寇後年出奔書於經此年不得云非卿也

雨過御叔在其邑將

飲酒注御叔魯御邑大夫音義

過古禾反御叔魚呂反又魚據反

曰

焉用聖人注武仲多知時人謂之聖音義

焉於虔反知音智又

如疏正義曰周禮大司徒以鄉三物教萬民一曰六德知仁聖義中和鄭玄云聖通而先識也尚書

洪範云睿作聖者通識之名時人見其多知故以聖人言之非為武仲實是大聖也尚書稱惟狂克念作

聖惟聖罔念作狂詩稱人之齊聖皇父孔聖母氏聖善皆非大聖也我將飲酒而已雨

行何以聖為穆叔聞之曰不可使也而傲使人注言

御叔不任使四方音義

傲五報反使所吏反注同任音壬

國之蠹也

令倍其賦注古者家其國邑故以重賦為罰傳言穆

叔能用教音義

蠡丁故反疏

正義曰周禮大司徒云凡建邦國諸公之地方五百里其

食者半諸侯之地方四百里諸伯之地方三百里其食者三之一諸子之地方二百里諸男之地方百里其食者四之一鄭玄云其食者半三之一四之一者土均均邦國地貢輕重之等必足其國禮俗喪紀祭祀之用乃貢其餘大國貢重正之也小國貢輕字之也此是諸侯之國貢王之差也司勳職云凡頒賞地三之一食鄭玄云賞地之稅三分計稅王食其一二全入於臣此采邑貢王之數也然則諸侯之臣受其采邑者亦當三分之一而歸於公故云古者家其國邑言以國邑為己之家有貢於公者是減己而貢之故以重賦為罰言重倍其賦

○夏晉人徵朝于鄭注名

鄭使朝鄭人使少正公孫僑對曰注少正鄭卿官也

公孫僑子產音義

少詩照反注及下
少牢同僑其驕反

疏正義曰十九
年傳云立子

產為卿知少正是鄭之卿官名也
春秋之時官名變改周禮無此名也

在晉先君悼公

九年我寡君於是即位注魯襄八年即位八月注即

位年之八月而我先大夫子駟從寡君以朝于執事

執事不禮於寡君注言朝執事謙不敢斥晉侯寡君

懼因是行也我二年六月朝于楚注因朝晉不見禮

生朝楚心晉是以有戲之役注在九年音義

戲許
宜反

楚

人猶競而申禮於敝邑敝邑欲從執事而懼為大尤

曰晉其謂我不共有禮是以不敢攜貳於楚我四年

三月先大夫子矯又從寡君以觀釁於楚注實朝言

觀釁飾辭也言欲往視楚知可去否音義

共音恭下
共祀同釁

許靳反

晉於是乎有蕭魚之役注在十一年謂我敝邑

邇在晉國譬諸草木吾臭味也注晉鄭同姓故何

敢差池注差池不齊一音義

差初宜反又初佳反一
音七何反注同池徐本

作沱直知反一
音徒何反注同

楚亦不競寡君盡其土實注土地所

有重之以宗器注宗廟禮樂之器鐘磬之屬音義

直重

反用以受齊盟注齊同也遂帥羣臣隨于執事以會歲

終注朝正疏

正義曰言以會歲終則歲事終以至正月朝正也朝正二十九年傳文也

貳

於楚者子侯石孟歸而討之注石孟石巢音義

孟音于巢

勅畧反

溴梁之明年注溴梁在十六年子嶠老矣公孫

夏從寡君以朝于君見於嘗酎注酒之新熟重者為

酎嘗新飲酒為嘗酎音義

夏戶雅反下同見賢遍反又如字酎直又反

疏

正義曰月令孟夏天子飲酎用禮樂鄭玄云酎之言醇也謂重釀之酒也春酒至此始成與羣臣以禮樂飲之於朝正尊卑也彼言飲酎當是夏祭之後此言嘗酎謂見於夏祭故云與執膳焉謂祭末受胙肉也

與執燔焉注助祭音義

與音預燔又作膳音煩祭肉也

間二年聞君

將靖東夏注謂二十年澶淵盟音義

間間廁之間又如字

四月

又朝以聽事期注先澶淵二月往朝以聽會期音義

先悉薦反

不朝之間無歲不聘無役不從以大國政令之

無常國家罷病不虞荐至注荐仍也音義

罷音皮荐在薦反

無日不惕宣敢忘職注惕懼也音義

惕他歷反

大國若安

定之其朝夕在庭何辱命焉注言自將往不須來召

音義

朝如字

若不恤其患而以為口實注口實但有其

言而已疏

正義曰但有微責之言實於口也服虔云口實謂譴讓也

其無乃不堪

任命而翦為仇讎注翦削也謂見剝削不堪命則成仇讎敝邑是懼其敢忘君命委諸執事執事實重圖之注傳言子產有辭所以免大國之討○秋欒盈自楚適齊晏平仲言於齊侯曰商任之會受命於晉注受欒欒氏之命今納欒氏將安用之小所以事大信也失信不立君其圖之弗聽退告陳文子曰君人執信臣人執共忠信篤敬上下同之天之道也君自棄

也弗能久矣注為二十五年齊弑其君光傳○九月

鄭公孫黑肱有疾歸邑于公注黑肱子張音義

肱古弘反

召室老宗人立段注段子石黑肱子而使黜官薄祭

注黜官無多受職祭以特羊殷以少牢注四時祀以

一羊三年盛祭以羊豕殷盛也疏

正義曰少牢饋食禮者諸侯之大夫

時祭之禮也是時祭用少牢今公孫黑肱使黜官薄祭故時祭用特羊殷祭乃少牢諸侯之大夫止用少牢而禮器云君子大牢而祭謂之禮匹士大牢而祭謂之攘鄭玄云君子謂大夫以上是大夫之祭有用大牢時也又雜記云上大夫之虞也少牢卒哭成事附皆大牢據此二文大夫得用大牢者禮器之文據

天子大夫故也雜記據喪祭進用一等士喪禮士遣奠用少牢是也大夫無禘祫而云殷三年祭者禮記言大夫有善於君祫及五世是大夫有功或得禘祫也劉炫云禮器云君子大牢而祭謂之禮匹士大牢而祭謂之攘鄭玄云君子謂大夫以上是大夫祭有用大牢時也雜記云大夫之虞也皆少牢卒哭與祔皆大牢喪祭有大牢明吉祭亦有也此言特羊必是時祭殷以少牢明是三年一為大祭猶天子諸侯禘也禮大夫時祭少牢大祭大牢今黑肱全減之謙也足以共祀盡歸其餘邑曰

吾聞之生於亂世貴而能貧民無求焉可以後亡敬共事君與二三子生在敬戒不在富也已已伯張卒君子曰善戒詩曰慎爾侯度用戒不虞鄭子張其有

馬注詩大雅侯維也義取慎法度戒未然音義

盡歸津忍

反凡此例可求故特音之

疏

正義曰詩大雅抑之篇侯維也言謹慎爾身唯在依法度用此以戒不憶

度之事鄭子張其有此詩之義馬言生在敬戒是慎法度也貴而能貧是戒不虞也

○冬會于

沙隨復錮樂氏也注晉知樂盈在齊故復錮也音義

復扶又反注同下復使下注復生不復行皆同

樂盈猶在齊晏子曰禍將作

矣齊將伐晉不可以不懼注為明年齊伐晉傳○楚

觀起有寵於令尹子南未益祿而有馬數十乘注言

子南偏寵觀起令富音義

數所主反乘繩證反令力呈反

楚人患之

王將討焉子南之子棄疾為王御士注御王車者王
每見之必泣棄疾曰君三泣臣矣敢問誰之罪也王
曰令尹之不能爾所知也國將討焉爾其居乎注問
能止事我否對曰父戮子居君焉用之洩命重刑臣
亦不為注漏泄君命罪之重音義

焉於虔反下焉入
同泄息列反又以

反制

王遂殺子南於朝轅觀起於四竟注轅車裂以狗

音義

轅音患竟
音境下同

子南之臣謂棄疾請徙子尸於朝注

欲犯命取殯音義

殯必
力反

曰君臣有禮唯二三子注不

欲犯命移尸三日棄疾請尸王許之既葬其徒曰行
乎注行去也曰吾與殺吾父行將焉入曰然則臣王
乎曰棄父事讎吾弗忍也注於事是讎於實是君故
雖謂讎而不敢報音義

與音預殺如
字一音試

遂縊而死注傳

譏康王與人子謀其父失君臣之義音義

縊一
賜反

復使

遂子馮為令尹公子黻為司馬屈建為莫敖注屈建

子木也音義

黻五綺反
屈居忽反

有寵於遂子者八人皆無祿

而多馬他日朝與申叔豫言弗應而退從之入於人

中注申叔辟蘧子不欲與語音義

應應對之應

又從之遂

歸退朝見之注蘧子就申叔家見之曰子三困我於

朝吾懼不敢不見吾過子姑告我何疾我也對曰吾

不免是懼何敢告子注言恐與子所罪故不敢與子

語音義

不見賢
遍反

曰何故對曰昔觀起有寵於子南子

南得罪觀起車裂何故不懼自御而歸不能當道注

蘧子惶懼意不在御至謂八人者曰吾見申叔夫子

所謂生死而肉骨也注已死復生白骨更肉知我者

如夫子則可注夫子謂申叔也如夫子謂以義匡已

不然請止注止不相知辭八人者而後王安之注辭

遣之○十二月鄭游販將如晉注游販公孫董子音

義

販呼板反

未出竟遭逆妻者奪之以館于邑注舍止其

邑不復行丁巳其夫攻子明殺之以其妻行注十二

月無丁巳丁巳十一月十四日也子展廢良而立大

叔注良游販子大叔販弟膏義

大音泰

曰國卿君之貳

也民之主也不可以苟請舍子明之類注子明有罪

而良又不賢故音義

舍音捨

求亡妻者使復其所使游

氏勿怨注鄭國不討專殺之人所以抑強扶弱臨時

之宜曰無昭惡也注交怨則父之不修益明也疏

正義

曰若游氏報殺此人則人知其父被殺其父所以見殺為奪人妻故也報殺則人知其父是父之行不修

益明也

經二十有三年春王二月癸酉朔日有食之注無傳

三月己巳杞伯勾卒注五同盟音義

句占害反

疏

正義曰句以七年即

位九年盟于戲十一年于毫城北十六年于濮梁十九年于祝柯二十年于澶淵皆魯杞俱在是五同盟

夏邾畀我来奔注無傳畀我是庶其之黨同有竊邑叛

君之罪来奔故書音義

利反疏正義曰杜從賈說以為

君之罪劉炫規過云杜此注云庶其之黨庶其奔魯三年若是其黨邾人即應討之何因至今始奔庶其以邑奔魯魯人還以賜之畀我不得彼邑竊邑之狀復何在馬釋例又曰小國之卿或命而禮儀不備或未加命數故不書之邾畀我之等其奔亡亦多所書唯數人而已知其合制者少也如彼所說又以畀我是卿何為兩說自相矛盾乎炫以為釋例是集解非今刪定知不然者原杜之意以二十一年邾庶其竊邑来奔去此既近邾更無事今畀我来奔必是庶其之黨同有竊邑叛君之罪春秋之例命卿有罪出奔皆書名畀我書名罪其與庶其同黨非謂畀我非命卿與釋例不違劉不曉杜旨妄為規非也

葬杞孝公注無傳

陳殺其大夫慶虎及慶寅注書名皆罪其專國叛君言

及史異辭無義例疏

正義曰被殺書名是罪之文故以專國叛君為二慶罪狀成十七年

晉殺其大夫卻錡卻犇卻至哀四年蔡殺其大夫公孫姓公孫霍皆不言及文九年晉殺其大夫士穀及箕鄭父與此並言及傳無其說知是史異辭無義例也

陳侯之弟黃自楚歸于陳注諸侯納之曰歸黃至楚自理得直故為楚所納

晉欒盈復入于晉注以惡入曰復入音義

復扶又反注同

入于

曲沃注兵敗奔曲沃據曲沃衆還與君爭非欲出附他

國故不言叛音義

還戶關反爭

疏

正義曰案傳樂盈潛帥曲沃之甲以入晉

都及敗又入于曲沃潛入之時晉人不覺及敗後更入
晉人以其狀告故先書復入于晉後言入于曲沃謂其
後入故云兵敗奔曲沃也不言叛者叛謂以邑叛屬他
國樂盈既入曲沃據曲沃之衆與君戰爭兵敗而死終
亦不附他國故不言叛也然則昭二十一年宋華亥入
于宋南里以叛定十一年宋公之弟辰入于蕭以叛十
三年晉趙鞅入于晉陽以叛荀寅入于朝歌以叛皆非
叛屬他國而並書叛者彼皆與國相距不勝而即出奔
得歸乃言復國皆有叛屬他國之意故本國皆以叛告
此樂盈與君爭勝不勝即死未有叛屬他國之意故晉
人不以
叛告也

秋齊侯伐衛遂伐晉注兩事故言遂疏

正義曰遂者因上事生下事之

辭是兩事故曰遂僖二十八年晉侯侵曹晉侯伐衛亦是一舉而為兩事不言遂者於彼注云再舉晉侯者曹衛兩來告然則此言遂者齊人來告以齊告為文故乃言遂也

八月叔孫豹帥師救晉次于雍榆注豹救晉待命于雍

榆故書次雍榆晉地汲郡朝歌縣東有雍城音義

雍於用反

朝如字

已卯仲孫速卒注孟莊子也

冬十月乙亥臧孫紇出奔邾注書名者阿順季氏為之

廢長立少以取奔亡罪之音義

為于偽反長丁疏正義
疏正義曰書

名是罪之文案傳統為孟氏所諧其奔非統之
罪故杜以阿順季氏廢長立少為統之罪狀也

晉人殺欒盈

齊侯襲莒注輕行掩其不備曰襲因伐晉還襲莒不言

遂者間有事音義

輕遣疏正義曰莊二十九年傳例曰

曰襲是輕者舍其輜重倍道輕行掩其不備曰襲傳言
齊侯還自晉不入遂襲莒經不言遂者間有他事故也

若然僖六年夏公會齊侯云云伐鄭秋楚人圍許諸侯
遂救許二十八年公會晉侯云云于溫天王狩于河陽

云云諸侯遂圍許彼亦間有他事而言遂者兩事言遂
取其省文彼二者公皆親在事不待告故遠承上事總

言諸侯遂行此書齊事雖告稱遂行襲莒亦不可書遂為間有數事與前文隔絕故也

傳二十三年春杞孝公卒晉悼夫人喪之注悼夫人

晉平公母杞孝公姊妹音義

喪如字徐息浪反

平公不徹樂

非禮也注徹去也音義

去起呂反

禮為鄰國關注禮諸侯

絕期故以鄰國責之音義

為于偽反下注為召下而為並同期居其反

疏

正義曰杞孝公晉平公之舅也尊同則相為不降平公於禮為舅當服總麻三月但總服既輕其恩不過鄰國故傳言禮為鄰國闕也杜言諸侯絕期者據禮之正法言諸侯尊降其親雖有本服期者亦當為之闕故以鄰國責之禮父在為母服期喪絕旁期非母也

○陳侯如楚注朝也公

子黃愬二慶於楚楚人召之注二慶虎及寅也二十

年二慶諧黃黃奔楚自理今陳侯往楚乃信黃為召

二慶音義

愬息路反

使慶樂往殺之注慶樂二慶之族二

慶畏誅故不敢自往音義

使慶樂往絕句

慶氏以陳叛注因

陳侯在楚而叛之不書叛不以告夏屈建從陳侯圍

陳陳人城注治城以距君屈建楚莫敖音義

從才用反又如

字

板隊而殺人役人相命各殺其長注慶氏愬其板

隊遂殺築人故役人怒而作亂音義

隊直類反注同長丁文反

遂

殺慶虎慶寅楚人納公子黃君子謂慶氏不義不可

肆也注肆放也故書曰惟命不予常注周書康誥言

有義則存無義則亡疏

正義曰杜言慶氏以陳叛叛不書不以告則傳載君子之

言其意不為經也君子自論慶氏之罪所為不義不可放肆以為宜其誅滅故引尚書康誥言天命之不予常有義則存無義則亡慶氏族有二卿為不義之故而並喪亡故君子論其事傷之也服虔以為傳發此言為不書慶氏以陳叛為楚所圍稱國以殺不成惡人肆其志也服虔見元年圍宋彭城追書繫宋不登叛人謂此亦宜然故為此解然叛是大罪若書為叛其惡益明何當匿其罪名謂之不可肆也若慶氏不可放肆故不書其叛則林父華亥趙鞅荀寅之徒豈皆可使放肆而書其叛乎且傳文不言書經之意

知其不為經也故杜以
為叛不告故不書耳

○晉將嫁女于吳齊侯使析

歸父媵之以藩載藥盈及其士注藩車之有障蔽者

使若媵妾在其中音義

析星歷反媵以證反又絕證
反藩方元反注同障之亮反

又音疏

正義曰晉將嫁女為吳之夫人齊以女為媵
使析歸父送媵女於晉令與適俱行也禮媵

同姓適異姓今晉嫁女於同姓齊以異姓為媵者非
禮也傳不言非禮者但傳本主說藥盈不言事之可

否

納諸曲沃注藥盈邑也藥盈夜見胥午而告之注

胥午守曲沃大夫對曰不可天之所廢誰能興之子

必不免吾非愛死也知不集也注集成也音義

知音
智又

如字 盈曰雖然因子而死吾無悔矣我實不天子無咎

焉注言我雖不為天所祐子無天咎故可因音義

其咎

九反祐音又

許諾伏之而觴曲沃人注胥午匿盈而飲其

衆音義

觴式羊反匿女力反飲於鴆反

樂作午言曰今也得樂孺子

何如注孺子樂盈對曰得主而為之死猶不死也皆

歎有泣者爵行又言皆曰得主何貳之有盈出徧拜

之注謝衆之思已四月樂盈帥曲沃之甲因魏獻子

以晝入絳注獻子魏舒絳晉國都初樂盈佐魏莊子

於下軍注莊子魏絳獻子之父獻子私焉故因之注

私相親愛趙氏以原屏之難怨欒氏注成八年莊姬

譖之欒卻為徵音義

屏薄輕反難乃旦反

韓趙方睦注韓起讓

趙武故和睦中行氏以伐秦之役怨欒氏注十四年

晉伐秦欒廩違荀偃命曰余馬首欲東而固與范氏

和親注范宣子佐中行偃於中軍知悼子少而聽於

中行氏注悼子知瑩之子荀盈也少年十七知氏中

行氏同祖故相聽從音義

知音智少詩照反注同

疏正義曰十三年傳云

荀彧卒十四年傳言盈生六年而武子卒是其少也
知悼子荀首之孫中行吳荀林父之曾孫首是林父
之弟首為知氏林父為中行氏是同祖也悼子是荀
吳二從叔父故相聽從計悼子年十六不得為十七
是故沈氏云後人傳寫誤
劉炫以此而規杜氏非也

程鄭嬖於公注鄭亦荀氏

宗音義

嬖必疏正義曰鄭雖非卿亦是強族
計反疏言嬖於公見其不助樂氏

唯魏氏

及七與大夫與之注七與官名音義

與音疏正義曰
僖十年

傳言七與大夫杜云侯伯七命副車七乘謂副車每
車有一大夫主之則此七與大夫杜亦為主副車之
官也劉炫云若是主公車則當情親於公不應
曲附樂氏服虔云下軍與帥七人炫謂服言是樂王

鮒侍坐於范宣子或告曰樂氏至矣宣子懼桓子曰

奉君以走固宮必無害也注桓子樂王鮒音義

鮒音附生

如字一音十卦反
走如字一音奏

且樂氏多怨子為政樂氏自外子

在位其利多矣既有利權又執民柄注賞罰為民柄

音義

柄彼
命反疏正義曰樂氏多怨言易克既有為利之
權又執民之八柄也注正義曰周禮太

宰以八柄詔王馭羣臣一曰爵二曰祿三曰予四曰
置五曰生六曰奪七曰廢八曰誅此八者爵祿予置
生是賞也奪廢誅是罰也賞罰二事分為八名此時
臨與敵戰唯賞罰而已故以賞罰言之鄭玄云柄所
秉執以起事者也然則柄以器
物為喻若用斧之執其柄也

將何懼焉樂氏所得

其唯魏氏乎而可強取也夫克亂在權子無懈矣公

有姻喪注夫人有杞喪音義

強其丈反下注強取同懈徒賣反

疏正

曰隱元年傳說葬之節云士踰月外姻至則姻是外親之總名杞孝公卒夫人有兄弟之服是有杞喪也傳言公有姻喪注言夫人有杞喪者下文樂王鮒使宣子墨繅冒經詐為夫人故也案經葬杞孝公之下始書樂盈復入于晉則樂盈之入在孝公葬後杜解諸侯既葬除服而夫人猶有服者葬杞孝公書魯使去之日樂盈入晉當在葬杞孝公之前故夫人猶有服故得詐為之也

王鮒使宣子墨

繅冒經注晉自殺戰還遂常墨繅音義

繅七雷反本又作裒音同

冒莫報反經直結反冒經以經冒其首也一云繅冒經三者皆墨之疏正義曰夫人為喪服大功布衰裳壯麻經冒經者言以經冒其首也樂王鮒使宣子詐為夫人孝服也

二婦人

輦以如公注恐樂氏有內應距之故為婦人服而入

奉公以如固宮注固宮宮之有臺觀備守者音義古觀

喚反守疏正義曰晉語云范宣子以公入于襄公之宮蓋襄公有別宮牢固故謂之固宮范

鞅逆魏舒注用王鮒計欲強取之則成列既乘將逆

樂氏矣趨進曰樂氏帥賊以入鞅之父與二三子在

君所矣注二三子諸大夫音義乘繩證反下驂乘趨乘并注同使鞅

逆吾子鞅請驂乘持帶注驂乘必持帶備隋隊音義

隋侍果反隊直類反遂超乘注跳上獻子車音義跳他彫反上時掌反右

撫劍左援帶注劫之音義

援音表

命驅之出僕請注請

所至鞅曰之公宣子逆諸階注逆獻子也執其手賂

之以曲沃注恐不與已同心初斐豹隸也著於丹書

注蓋犯罪沒為官奴以丹書其罪音義

斐音非一音芳匪反

疏

正義曰周禮司厲職云其奴男子入于罪隸女子入于春臺鄭玄云奴從坐而沒入縣官者男女同名杜用鄭說以無正文故云蓋以斐豹請焚丹書知以丹書其籍近世魏律緣坐配沒為工樂雜戶者皆用赤紙為籍其卷以鉛為軸此亦古人丹書之遺法

樂氏之力臣曰督戎國人懼

之斐豹謂宣子曰苟焚丹書我殺督戎宣子喜曰而

殺之所不請於君焚丹書者有如日注言不負要盟

如日音義

督丁毒反

乃出豹而閉之注閉著門外音義

著陟

略反

督戎從之踰隱而待之注隱短牆也督戎踰入豹

自後擊而殺之范氏之徒在臺後注公臺之後欒氏

乘公門注乘登也宣子謂鞅曰矢及君屋死之鞅用

劍以帥卒注用短劍兵接敵欲致死音義

卒子忽反

欒氏

退攝車從之注鞅攝宣子戎車遇欒樂注樂盈之族

曰樂免之死將訟女於天注言雖死猶不舍女罪音

義

女音汝
注同

樂射之不中又注注注屬矢於弦也音義

射食亦反中丁仲反注
之佳反注同屬之玉反

則乘槐本而覆注樂樂車櫟

槐而覆音義

槐音懷覆芳服
反注同櫟音歷

或以戟鉤之斷肘而死

樂魴傷樂盈奔曲沃晉人圍之注魴樂氏族音義

斷音

短肘張

疏

正義曰服虔云魴盈之子俱無文也計樂
盈宣子之外孫胥午謂為孺子未得有子

九反

已堪戰十九年樂魴已帥師伐齊必非樂盈子故杜
以為樂氏族世族譜樂魴為樂氏族以樂樂為雜人

不知杜意

何故也

○秋齊侯伐衛先驅穀榮御王孫揮召揚

為右注先驅前鋒軍音義

揮許韋反
召上照反

申驅成秩御莒

恒申鮮虞之傳摯為右注申驅次前軍傳摯申鮮虞

之子音義

鮮音仙之傳摯音至本或作申鮮虞之子傳摯

疏

正義曰俗本多云申鮮虞之子

今案注云傳摯申鮮虞之子若傳先有子字無煩此注故今定本皆無

曹開御戎晏父

戎為右注公御右也音義

晏父音甫

貳廣上之登御邢公

盧蒲癸為右注貳廣公副車音義

廣古曠反注同邢音刑

啟牢

成御襄罷師狼蘧疏為右注左翼曰啟音義

牢魯刀反一本

作罕成罷音皮徐音彼一音

疏

正義曰左翼曰啟右翼曰肱賈逵以為此

皮賈反狼音郎遂其居反

言或當有成文也且此傳上下先驅中驅是前軍也大殷是後軍也明啟肱是在旁之軍說文云肱掖下

也肱是在旁明矣凡言左右以左為先知啟是在左也
名之曰啟或使之先行詩云以先啟行服虔引司馬
法謀帥篇曰大前驅啟乘車大晨倅車屬焉大
晨大殿也音相似如服言古人有名軍為啟者

肱商

子車御侯朝桓跳為右注右翼曰肱音義

肱起居反徐又音脅

或起業反朝如字一音直遙反跳徒彫反

大殿商子游御夏之御寇崔如

為右注大殿後軍音義

殿都練反注同夏戶雅反御魚呂反

燭庸之越

駟乘注四人共乘殿車也傳具載此言莊公廢舊臣

任武力音義

駟乘繩證反

自衛將遂伐晉晏平仲曰君恃

勇力以伐盟主若不濟國之福也不德而有功憂必

及君崔杼諫曰不可臣聞之小國間大國之敗而毀
焉必受其咎君其圖之弗聽陳文子見崔武子注文
子陳完之孫湏無武子崔杼也音義

間間廁之間又
如字咎其九反

曰將如君何武子曰吾言於君君弗聽也以爲盟主
而利其難羣臣若急君於何有注言有急不能顧君

欲弑之以說晉音義

難乃旦反弑申志反下
同說音悅一音如字

子姑止

之文子退告其人曰崔子將死乎謂君甚而又過之
注弑君之惡過於背盟主音義

背音
佩

不得其死過君

以義猶自抑也况以惡乎注自抑損齊侯遂伐晉取

朝歌注朝歌今屬汲郡為二隊入孟門登太行注二

隊分兵為二部孟門晉隘道太行山在河內郡北音

義

隊徒對反徐徒猥反大音泰行徐戶郎反一音如字隘於懈反

張武軍於熒庭注

張武軍謂築壘壁熒庭晉地音義

熒戶肩反庭音廷本亦作廷壘力軌

反壁亦作

疏

正義曰宣十二年傳稱楚既戰勝潘黨請築武軍昭十三年傳子子帥陳蔡之

辟音壁

師入楚陳蔡請為武軍蔡公曰欲速且役病矣請藩而已乃藩為軍以此知武軍謂築壘壁也張謂張設

築作之具服虔

云張設旗鼓也

戍郛郛注取晉邑而守之音義

郛婢支反

封少水注封晉尸於少水以為京觀音義

少詩照反地名下注

孟氏之少立少同觀宮喚反

以報平陰之役乃還注平陰役在十

八年趙勝帥東陽之師以追之獲晏釐注趙勝趙梅

之子東陽晉之山東魏郡廣平以北晏釐齊大夫音

義

勝音升一音申證反釐力之反徐音來

疏

正義曰昭二十二年傳曰荀吳畧東陽遂襲鼓滅之

鼓在鉅鹿居山之東山東曰朝陽知東陽是寬大之語總謂晉之山東故為魏郡廣平以北二年齊晏弱城東陽以偪萊哀八年吳伐魯克東陽而晉齊魯皆有東陽名同而實異服虔以東陽為魯邑繆之甚矣東陽之師謂下文八月叔孫豹帥師救晉次于雍榆叔孫豹所帥者也

禮也注救盟主故曰禮疏

正義曰公羊傳曰曷為先言救而後言次先通君命

也僖元年齊師宋師曹師次于聶北救邢公羊傳曰曷為先言次而後言救君也其意言君則進止自由故先次後救臣則先通君命故先救後次賈氏取以為說謂此傳云禮者言其先救後次為得禮也釋例曰所記或次在事前次以成事也或次在事後事成而次也皆隨事實無義例也叔孫豹次于雍榆傳曰禮者善其宗助盟主非以次為禮也齊桓次于聶北救邢亦存邢具其器用師人無私見善不在次也杜以此故言救盟主故曰禮所以明異舊說也

○季武子無適子公彌長而

愛悼子欲立之注公彌公鉏悼子紇也音義

適丁歷反長丁

丈反下皆同鉏仕居反紇恨發反

訪於申豐曰彌與紇吾皆愛之欲

擇才焉而立之申豐趨退歸盡室將行注申豐季氏

屬大夫他日又訪焉對曰其然將具敝車而行注其

然猶必爾音義

敝婢世反徐扶減反

乃止注止不立紇訪於臧

紇臧紇曰飲我酒吾為子立之季氏飲大夫酒臧紇

為客注為上賓音義

飲於鵠反下皆同吾為于偽反下注為定為公鉏同

既獻

注已獻酒臧孫命北面重席新樽絜之注酒樽既新

復絜澡之音義

重直恭反樽音尊本亦作尊復扶又反下非復下文復戰同澡音早

召

悼子降逆之大夫皆起注臧孫下迎悼子及旅而召

公鉏注獻酬禮畢通行為旅疏

正義曰案鄉飲酒禮主人席於阼階上西

面賓席於堂戶西南面介席於西階上東面眾賓席於上賓之西南面初賓介及眾賓至立於門外東面主人出迎于門外西面主人延賓入及介眾賓等立於西階下主人揖賓升主人酌酒於阼階上拜獻賓賓西階上拜受飲卒爵酌酒以酢主人主人阼階上飲卒爵又酌酒先自飲以酬賓賓拜受酬酒奠于薦東賓降主人又酌酒於西階上獻介介於西階上受爵飲卒爵酌以酢主人主人於西階上受爵飲卒爵介降主人又酌酒於西階上獻眾賓眾賓飲訖降引樂工人歌詩主人獻樂工又飲笙人立於堂下主人獻笙師訖主人及賓介眾賓等皆升就席乃立相者為司正使弟子一人舉解於賓賓酬主人主人酬介介酬眾賓是為旅也杜言獻酬禮畢者謂獻酬賓介及眾賓禮畢也言通行為旅者謂一人舉解於賓旅

衆相酬通至於下案鄉飲酒禮未旅以前賓介皆立此傳云大夫皆起則季氏飲大夫酒未必純如鄉飲酒禮則獻酬事訖大夫皆坐然則既獻召悼子者謂獻臧紇及大夫訖而召悼子至旅酬之時而召公鉏

使與之齒注使從庶子之禮列在悼子之下季孫失

色注恐公鉏不從季氏以公鉏為馬正注馬正家司

馬愠而不出閔子馬見之注閔子馬閔馬父音義

紆 愠

運反 怨也 怒也

曰子無然禍福無門唯人所召為人子者患

不孝不患無所注所位處音義

處昌慮反

敬共父命何常

之有注言廢置在父無常位也若能孝敬富倍季氏

可也注父寵之則可富姦回不軌禍倍下民可也注

禍甚於貧賤疏

正義曰悼子既為適子將承季氏之後故謂悼子為季氏下言為孟孫其

意亦然富倍季氏言可過悼子也姦回不軌更獲罪戾非徒貧賤而已是為倍下民故杜云禍甚於貧賤

也

公鉏然之敬共朝夕恪居官次注次舍也音義

如朝

字恪苦各反

季孫喜使飲已酒而以具往盡舍旃注具燕

饗之具音義

舍音捨

故公鉏氏富又出為公左宰注出

季氏家臣仕於公孟孫惡臧孫注不相善音義

惡烏路反

下之惡子之惡我君所惡皆同

季孫愛之注愛其成已志孟氏之御

駟豐點好羯也注羯孟莊子之庶子孺子秩之弟孝

伯也音義

駟側留反點都筆反又之
庶反好呼報反羯居竭反

曰從余言必為

孟孫注為孟孫後疏

正義曰成十八年傳曰程鄭為
乘馬御六駟屬焉使訓羣駟知

禮注云六駟六閑之駟則駟是掌
馬之官蓋兼掌御事謂之御駟

再三云羯從之孟

莊子疾豐點謂公鉏苟立羯請讎臧氏注使孟氏與

公鉏共憎臧孫公鉏謂季孫曰孺子秩固其所也注

固自當立若羯立則季氏信有力於臧氏矣注臧氏

因季孫之欲而為定之猶為有力今若專立孟氏之

少則季氏有力過於臧氏疏

正義曰不應得而得之則彼荷其恩故功力多

也

弗應已卯孟孫卒公鉏奉羯立于戶側注戶側喪

主音義

應應對之應

疏

正義曰喪大記云大夫之喪主人坐于東方此立于戶側則在室戶

之東西面立也禮記云坐此云立者以季孫來故立耳

季孫至入哭而出曰秩

焉在公鉏曰羯在此矣季孫曰孺子長公鉏曰何長

之有唯其才也注季孫廢鉏立紇云欲擇才故以此

答之音義

馬在於虔反

且夫子之命也注遂誣孟孫遂立

羯秩奔邾臧孫入哭甚哀多涕出其御曰孟孫之惡

子也而哀如是季孫若死其若之何臧孫曰季孫之

愛我疾疢也注常志相順從身之害音義

疾耻刃反

孟孫

之惡我藥石也注常志相為戾猶藥石之療疾疏

正義

曰治病藥分用石本草所云鍾乳礬磁石之類多矣

美疾不如惡石夫石猶生

我注愈已疾也疏

正義曰服虔云夫謂孟孫也桓十三年傳夫固謂君夫豈不知服虔

云夫謂闕伯比也二十六年傳夫不惡女乎服虔並云夫謂夫子也其年又曰夫獨無族姻乎杜云夫謂晉也三十一年傳夫亦愈知治矣杜云夫謂尹何皆謂所斥前人為夫此言之類也疾之美其

毒滋多孟孫死吾亡無日矣孟氏閉門告於季孫曰

臧氏將為亂不使我葬注欲為公鉏讎臧氏季孫不

信臧孫聞之戒注戒為備也冬十月孟氏將辟藉除

於臧氏注辟穿藏也於臧氏借人除葬道音義

辟婢亦反

徐甫亦反注同藉徐音借又如字藉亦借也藏才浪反

臧孫使正夫助之注正

夫隧正音義

隧音遂下

疏

正義曰七年傳稱叔仲昭伯為隧正謂南遺請城費

吾多與而役是役夫隧正所主知此正夫是隧正也

隧正當屬司徒臧氏為司冠而借之於臧氏者蓋當時臧氏無主掌之

除於東門甲從已而視之注畏孟氏故從

甲士視作者音義

從才用反注同一音如字

孟氏又告季孫季孫

怒命攻臧氏注見其有甲故乙亥臧紇斬鹿門之闕

以出奔邾注魯南城東門疏

正義曰蓋舊名猶在相傳如此也且邾在魯之

東南奔邾出此門以為便

初臧宣叔娶于鑄生賈及為而死注鑄

國濟北蛇丘縣所治音義

娶七住反鑄之樹反蛇音移治直吏反

繼室

以其姪注女子謂兄弟之子為姪音義

姪大結反又丈一反

穆

姜之姨子也注姪穆姜姨母之子與穆姜為姨昆弟

疏

正義曰釋親云妻之姊妹同出為姨孫炎曰同出俱已嫁也然則據父言之謂之姨據子言之當謂

之從母但子效父語亦呼為姨姨子昆弟即喪服從母昆弟是也故曰姨昆弟

生紇長於公

宮姜氏愛之故立之注立為宣叔嗣臧賈臧為出在

鑄注還舅氏也臧武仲自邾使告臧賈且致大蔡焉

注大蔡大龜音義

大蔡龜名也一云龜出蔡地因以為名

疏

正義曰漢書食貨志

云元龜為蔡論語云臧文仲居蔡家語稱漆彫平對孔子云臧氏有守龜其名曰蔡文仲三年而為一兆武仲三年而為二兆是大蔡為大龜蔡是龜之名耳鄭玄云出蔡地因以名名焉非也

曰紂不

佞失守宗祧注遠宗廟為祧音義

祧他彫反

敢告不弔注

不為天所弔恤紂之罪不及不祀注言應有後疏

正義

曰禮天子封諸侯以國諸侯賜大夫以族天子不滅國諸侯不滅族有小罪則廢其身擇立次賢使紹其

先祀論語云興滅國繼絕世謂此也必有大罪乃得滅之周禮大司馬云外內亂鳥獸行則滅之是也武仲自言罪輕不及於子以大蔡納請其可注請為先

不祀言其應有後也

人立後音義請為于偽反下為已請自為請為其先人下文遂自為也皆同

賈曰是

家之禍也非子之過也賈聞命矣再拜受龜使為以

納請注賈使為為已請遂自為也注為自為請臧孫

如防注防臧孫邑使來告曰紃非能害也知不足也

注言使甲從已但慮事淺耳音義

知音智

非敢私請注

為其先人請也苟守先祀無廢二勲注二勲文仲宣

叔疏

正義曰哀二十四年傳曰晉侯將伐齊使來乞師曰昔臧文仲以楚師伐齊取穀臧宣叔以晉

師伐齊取汶陽寡君欲徵福於周公願乞靈於臧氏是二勲謂文仲宣叔也

敢不辟邑注

據邑請後故孔子以為要君音義

要一遙反下同

乃立臧為

臧紇致防而奔齊其人曰其盟我乎注謂陳其罪惡

盟諸大夫以為戒臧孫曰無辭注廢長立少季孫所

忌故謂無辭以罪已將盟臧氏季孫召外史掌惡臣

而問盟首焉注惡臣謂奔亡者盟首載書之章首疏

正義曰周禮外史掌書外令掌四方之志今季孫召外史蓋魯亦立此官也

對曰盟東門

氏也曰毋或如東門遂不聽公命殺適立庶注文公

命立子惡公子遂殺之立宣公音義

毋音無聽吐定反適丁歷反

盟叔孫氏也曰毋或如叔孫僑如欲廢國常蕩覆公

室注謂譖公與季孟於晉音義

覆芳服反

季孫曰臧孫之

罪皆不及此孟椒曰盍以其犯門斬關季孫用之乃

盟臧氏曰無或如臧孫紇干國之紀犯門斬關注干

亦犯也音義

盍戶臧反

臧孫聞之曰國有人焉誰居其孟

椒乎注孟椒孟獻子之孫子服惠伯居猶與也音義

居音基
與音餘

○晉人克欒盈于曲沃盡殺欒氏之族黨欒

魴出奔宋書曰晉人殺欒盈不言大夫言自外也注

自外犯君而入非復晉大夫○齊侯還自晉不入注

不入國遂襲莒門于且于注且于莒邑音義

于子餘反

傷

股而退注齊侯傷明日將復戰期于壽舒注壽舒莒

地杞殖華還載甲夜入且于之隧宿于莒郊注二子

齊大夫且于隧狹路音義

殖市力反華胡化反還音旋狹戶夾反

疏

正義

曰既入而又得出宿知所入非城邑也故杜以為狹
道擅弓說此事云齊莊公襲莒于奪杞梁死焉言于

奪則當為地名鄭玄引此傳云隧奪聲相近言其與此一事則此亦為地名若是地名不得云且于之隧即如記文蓋當且于之旁別有奪地非此且于之罪也

明日先遇莒子於蒲侯

氏注蒲侯氏近莒之邑音義

近附近之近

莒子重賂之使

無死曰請有盟注欲以盟要二子無致死戰華周對

曰貪貨棄命亦君所惡也注華周即華還昏而受命

日未中而棄之何以事君莒子親鼓之從而伐之獲

杞梁注杞梁即杞殖莒人行成注勝大國益懼故行

成齊侯歸遇杞梁之妻於郊注梁戰死妻行迎喪使

弔之辭曰殓之有罪何辱命焉注言若有罪不足弔

若免於罪猶有先人之敝廬在下妾不得與郊弔注

婦人無外事故下猶賤也音義

廬力居反與音預

疏

正義曰檀弓云

哀公使人弔蕢尚遇諸道辟於路畫宮而受弔焉曾子曰蕢尚不如杞梁之妻之知禮也鄭玄云行弔禮於野非也然則男子亦不得受野弔而言婦人無外弔者檀弓云君遇樞於路必使人弔之鄭玄云君於民臣有父母之思是男子從樞在野則得野受弔婦人無外事雖從樞亦不得野受弔耳若男子得受野弔而曾子非蕢尚者以蕢尚在朝顯著故宜弔於其家若君遇樞於路使人弔之者謂庶人及微小之臣也檀弓因蕢尚而說此事云杞梁死其妻迎其樞於路而哭之哀則杞梁之妻於時從杞梁樞雖從樞而

辭不受弔是由異於男子故也服虔以下從上讀齊言敝廬在下禮記無下知下猶賤謙言賤妾也

侯弔諸其室注傳善婦人有禮○齊侯將為臧紇田

注與之田邑臧孫聞之見齊侯與之言伐晉注齊侯

自道伐晉之功音義

臧孫聞之見賢遍反齊侯絕句一讀以見字絕句齊侯向下讀

對曰多則多矣抑君似鼠夫鼠晝伏夜動不穴於寢

廟畏人故也疏

正義曰一解鼠不敢穿寢廟墻以為穴者自畏人故也但寢則近人廟則

幽靜鼠不穿廟豈是畏人故知寢廟間雅鼠不即以爲穴必須穿壁始敢安處止爲畏人故也計燕巢鼠穴自是其常假喻言之不可執此爲難也今君聞晉之亂而後作焉注作

起兵也寧將事之非鼠何如乃弗與田注臧孫知齊
侯將敗不欲受其邑故以比鼠欲使怒而止仲尼曰
知之難也有臧武仲之知注謂能辟齊過音義知之音智
而不容於魯國抑有由也作不順而施不恕也夏書
曰念茲在茲注逸書也念此事在此身言行事當常
念如在己身也疏正義曰服虔云不順謂阿季氏廢
長立少也不恕謂惡孟氏立庶也
然則作而不順當如服言傳無惡孟氏之事
故不取當謂知其不可而為之是不恕也
順事恕

施也

經二十有四年春叔孫豹如晉注賀克藥氏

仲孫羯帥師侵齊

夏楚子伐吳

秋七月甲子朔日有食之既注無傳疏

正義曰漢書律歷志載劉歆三

統之術以為五月二十二分月之二十乃為一交以為
交在望前朔則日食望則月食交在望後望則月食後
月朔則日食交正在朔則日食既前後望不食交正在
望則月食既前後朔不食而二十一年九月十月頻月
日食此年七月八月日食凡交前十五度交後十五度
竝是食竟去交遠則日食漸少去交近則日食漸多正
當交則日食既若前月在交初一度日食則至後月之
朔日猶在交之末度未出食竟月行天既而來及於日

或可更食若前月日在交初二度以後則後月復食無疑今七月日食既而八月又食於推步之術必無此理蓋古書磨滅致有錯誤劉炫云漢末以來八百餘載考其注記莫不皆爾都無頻月日食之事計天道轉運古今一也後世既無其事前世理亦當然而今有頻食於術不符有交之所在日月必食日食在朔月食在望日月共盡一體日食少則月食多日食多則月食少日食盡則前後望月不食月食盡則前後朔日不食以其交道既不復其相揜故也此與二十一年頻月日食理必不然但其字則變古為篆改篆為隸書則繇以代簡紙以代繇多歷世代年數遙遠喪亂或轉寫誤失其本真先儒因循莫能改易執文求義理必不通後之學者宜知此意也

齊崔杼帥師伐莒

大水注無傳

八月癸巳朔日有食之注無傳

公會晉侯宋公衛侯鄭伯曹伯莒子邾子滕子薛伯杞伯小邾子于夷儀

冬楚子蔡侯陳侯許男伐鄭公至自會注無傳

陳鍼宜咎出奔楚注陳鍼子八世孫慶氏之黨書名惡

之也音義

鍼其廉反咎其疏注陳鍼子八世孫九反惡烏路反正義曰世本文也

叔孫豹如京師

大饑注無傳

傳二十四年春穆叔如晉范宣子逆之問焉曰古人
有言曰死而不朽何謂也穆叔未對宣子曰昔勾之
祖自虞以上為陶唐氏注陶唐堯所治地太原晉陽
縣也終虞之世以為號故曰自虞以上音義

上時掌反注同

治直疏

正義曰如杜此注陶唐共為一名即是晉陽
縣也釋例云晉大鹵大原大夏參虛晉陽六

名大原晉陽縣也唯載六名而言不及唐釋例又別
記小國所都唐大原晉陽縣也亦云唐是晉陽而言
不及陶則以陶與唐別不是共為一名也史記云帝
堯為陶唐氏韋昭云陶唐皆國名猶湯稱殷商也案

經傳契居商故湯以商為國號后盤庚遷殷故殷商
雙舉歷檢書傳未聞帝堯居陶而以陶冠唐蓋地以
二字為名所稱或單或複也張晏云堯為唐侯國於
中山唐縣然則唐是中山縣名非晉陽也堯自唐侯
而升為天子既為天子乃治於晉陽故杜於晉陽六
名言不及唐記其諸國之都乃云唐是晉陽言堯為
天子號曰陶唐其治在晉陽耳唐非晉陽縣內之地
名也舜受堯禪封堯子丹朱為王者之后猶稱為唐
其名不易終虞之世以陶
唐為號故曰自虞以上也

在夏為御龍氏注謂劉累

也事見昭二十九年音義

見賢通反疏正義曰昭二十九年傳曰陶唐氏既

衰其后有劉累學擾龍于豢龍氏
以事孔甲夏后嘉之賜氏曰御龍

在商為豕韋氏注

豕韋國名東郡白馬縣東南有韋城疏

正義曰鄭語云祝融之後

八姓大彭豕韋為商伯矣又曰彭姓彭祖豕韋則商滅之矣賈逵云大彭豕韋為商伯其後世失道殷德復興而滅之然則商之初豕韋國君為彭姓也其後乃以劉累之後代之亦不知殷之何王滅彭姓而封累後也昭二十九年傳稱夏王孔甲嘉劉累賜氏曰御龍以更豕韋之後則賜劉累身封豕韋而此云在商為豕韋氏者杜於彼注云劉累代彭姓之豕韋累尋遷魯縣豕韋復國至商而滅累之後世復承其國為豕韋氏是杜解劉累及其後世再封豕韋之事

在周為唐杜氏注唐杜二

國名殷末豕韋國於唐周成王滅唐遷之於杜為杜

伯杜伯之子隰叔奔晉四世及士會食邑於范氏杜

今京兆杜縣音義

隰徐入反復扶又反下同疏正義曰以國語杜伯文不連唐知唐

杜二國名又以承韋為一嫌唐杜亦一故辯之也昭
元年傳稱堯遷實沈于大夏唐人是因以服事夏商
其季世曰唐叔虞及成王滅唐而封大叔是言周成
王滅唐也周語曰周之衰也杜伯射宣王於鎬是周
有杜國故杜以為成王滅唐遷之於杜為杜伯也晉
語訾祐對范宣子云昔隰叔子違周難奔於晉生子
與為司空世及武子佐文襄為卿以輔成景後之人
可則是以受隨范賈遠云宣王殺杜伯其子逃而奔
晉子與士為字武子士會也會士為之孫是隰叔四
世及士會食邑於范為范氏也劉炫云案杜於昭元
年注云唐人若劉累之等累遷魯縣此在大夏即如
彼言則居唐之人非累之裔此注何云承韋國於唐
也又據何文知初封於唐後封於杜乎今知劉說非
者彼注雖似有異其義與此不殊彼傳云唐人是因
杜以唐人非一人之稱故云劉累之等謂累之子孫
故云之等也累遷魯縣傳云唐人是因因居大夏則

累之子孫遷居大夏也杜知殷末封之於唐者以周成王滅唐故也知後封於杜者以宣王時有杜伯故也是成王之時有唐無杜宣王之時有杜無唐故杜為此解劉炫又規云唐非豕韋之後杜亦未必是後安知滅唐遷於杜也賈逵注國語云武王封堯後為唐杜二國以為竝時為國非滅唐封杜劉以為唐非劉累之後又取賈逵注國語武王封堯後為唐杜二國以為二國竝封而規杜氏非也炫謂宣子歷言己之宗族於上世有國有家未必繼體相承炫於處秦為劉謂非丘明之筆豕韋唐杜不信元愷之言己之遠祖數自譏訐或聞此義必將見嗤但傳言於人懼誤後學意之所見不敢有隱唯賢者裁之

夏盟為范氏其是之謂乎注晉為諸夏盟主范氏復

為之佐言己世為興家音義

夏戶雅反注同

穆叔曰以豹所

聞此之謂世祿非不朽也魯有先大夫曰臧文仲既

沒其言立注立謂不廢絕音義

既沒其言立今俗本皆作其言立於世檢

元熙以前本則無於世二字

其是之謂乎豹聞之大上有立德注

黃帝堯舜音義

大音泰

其次有立功注禹稷其次有立

言注史佚周任臧文仲音義

佚音逸任音壬

疏

正義曰大上其次以人之

才知淺深為上次也大上謂人之最上者上聖之人也其次次聖者謂大賢之人也其次又次大賢者也立德謂創制垂法博施濟眾聖德立於上代惠澤被於無窮故服以伏羲神農杜以黃帝堯舜當之言如此之類乃是立德也禮運稱禹湯文武成王周公後代人主之選計成王非聖但欲言周公不得不言成

王耳禹湯文武周公與孔子皆可謂立德者也立功
謂拯危除難功濟於時故服杜皆以禹稷當之言如
此之類乃是立功也祭法云聖王之制祭祀也法施
於民則祀之以死勤事則祀之以勞定國則祀之能
禦大菑則祀之能捍大患則祀之法施於民乃謂上
聖當是立德之人其餘勤民定國禦災捍患皆是立
功者也立言謂言得其要理足可傳記傳稱史佚有
言論語稱周任有言及此臧文仲既沒其言存立於
世皆其身既沒其言尚存故服杜皆以史佚周任臧
文仲當之言如此之類乃是立言也老莊荀孟管晏
揚墨孫吳之徒制作子書屈原宋玉賈逵楊雄馬遷
班固以後撰集史傳及制作文章使後世學習皆是
立言者也此三者雖經世代
雖久不廢此之謂不朽
常不朽腐故穆子歷言之

若夫保姓受氏以守宗祊注祊廟門音義

祊布彭
反注同

疏

正義曰釋宮云祊謂之門李巡曰祊故廟門名也孫炎曰詩云祝祭於祊謂廟門也世不絕祀

無國無之祿之大者不可謂不朽注傳善穆叔之知

言○范宣子為政諸侯之幣重鄭人病之二月鄭伯

如晉子產寓書於子西以告宣子曰注寓寄也音義

寓音遇子為晉國四鄰諸侯不聞令德而聞重幣僞也

惑之僞聞君子長國家者非無賄之患而無令名之

難夫諸侯之賄聚於公室則諸侯貳注貳離也音義

長丁丈反難如字又乃旦反賄呼罪反

若吾子賴之則晉國貳注賴恃

用之諸侯貳則晉國壞晉國貳則子之家壞何沒沒

也注沒沒沈滅之言音義

沒如字一音妹沈溺也

將焉用賄夫

令名德之興也注德須令名以遠聞音義

焉於虔反聞音問又

如字德國家之基也有基無壞無亦是務乎有德則樂

樂則能久詩云樂只君子邦家之基有令德也夫注

詩小雅言君子樂美其道為邦家之基所以濟令德

音義

樂樂竝音洛夫音扶下也夫同

上帝臨女無貳爾心有令名也

夫注詩大雅言武王為天所臨不敢懷貳心所以濟

令名音義

女音汝

疏

正義曰詩小雅南山有臺之篇只

美之德故為邦家之基本也此詩所言言此君子有樂美之德君子以有樂

令德也夫又引詩大雅大明之篇詩人謂武王云上

天之意臨視女武王矣言武王為天所臨不敢懷貳於女之心此詩所言言武王有令名也夫樂美君子

者言君子有可樂可美之德也劉炫云詩人謂武王云上天之意臨視女武王故在下臣民無懷貳於女

之心恕思以明德則令名載而行之是以遠至邇安

毋寧使人謂子子實生我注無寧寧也音義

無毋音

而

謂子浚我以生乎注浚取也言取我財以自生音義

浚思

疏

正義曰無寧寧也言人等作二事為不取人

俊反

財寧使人謂子實能生養我民也為多取人

財使人言子不能自治而須我象有齒以焚其身賄民財以生活乎此二者孰勝也

也注焚斃也音義

焚扶云反服云焚讀曰
債債僮也斃婢世反

疏

正義曰
焚是燒

也象不燒死故訓為斃服虔云焚讀曰債債僮也為生齒牙僮仆其身

宣子說乃輕幣

是行也鄭伯朝晉為重幣故且請伐陳也鄭伯稽首

宣子辭子西相曰以陳國之介恃大國而陵虐於敝

邑注介因也大國楚也音義

說音悅為于偽反下注
魯為同相息亮反介音

戒注及
下同

寡君是以請罪焉注請得罪於陳也音義

是以

請罪焉一本作是以請請罪焉
請並七井反徐上請字音情

敢不稽首注為明年

鄭入陳傳○孟孝伯侵齊晉故也注前年齊伐晉魯

為晉報侵○夏楚子為舟師以伐吳注舟師水軍不

為軍政注不設賞罰之差無功而還注為下吳召舒

鳩起本○齊侯既伐晉而懼將欲見楚子楚子使蘧

啟疆如齊聘且請期注請會期音義

疆其良反又居良反

齊社

蒐軍實使客觀之注祭社因閱數軍器以示遠啟疆

音義

蒐所求反閱音悅數所主反

陳文子曰齊將有寇吾聞之兵

不戢必取其族注戢藏也族類也取其族還自害也

音義

戡側立反

○秋齊侯聞將有晉師注夷儀之師使陳

無宇從遠啟疆如楚辭且乞師注辭有晉師未得相

見崔杼帥師送之遂伐莒侵介根注介根莒邑今城

陽黔陬縣東北計基城是也齊既與莒平因兵出侵

之言無信也音義

黔其廡反又其令反如淳音耿奔反廡側留反又子侯反韋昭音諏

基本又作其音基又如字漢書作斤如淳斤音基

○會于夷儀將以伐齊水

不克注晉合諸侯以報前年見伐○冬楚子伐鄭以

救齊門于東門次于棘澤注以齊無宇乞師故也諸

侯還救鄭注夷儀諸侯晉侯使張骼輔蹠致楚師求

御于鄭注欲得鄭人自御知其地利故也音義

骼庚百反

一音古洛反蹠力狄反徐音洛

鄭人卜宛射犬吉注射犬鄭公孫音

義

宛於元反射食亦反徐神石反

子大叔戒之曰大國之人不可與

也注言不可與等也欲使卑下之大叔游吉音義

叔大

音泰下選嫁反

對曰無有衆寡其上一也注言在已上者有

常分無大小國之異音義

分扶疏正義曰射犬之意問反言我與彼俱是大

夫無有國土大小人民衆寡之異其在我上彼此一也其意言我下鄭卿亦下晉卿彼若是卿我當下之

彼是大夫
我不下之

大叔曰不然部婁無松栢注部婁小阜松

栢大木喻小國異於大國音義

部蒲口反徐扶苟反
婁本或作樓路口反

徐力侯反

疏

正義曰釋地云大陸曰阜大阜曰陵李

阜扶又反

巡

曰大陸謂土地高大名曰阜阜最大

為陵則阜地之高者是丘陵之類也部婁小阜相傳

為然大山有松栢小阜無松栢小阜異於大山喻小

國異於大國不得與大國之人等也服虔云

二子在

喻小國無賢材知勇之人不與大國等也

幄坐射犬于外注二子張骼輔蹠幄帳也音義

幄於
角反

既食而後食之使御廣車而行注廣車兵車音義

後食

音嗣廣古

已皆乘乘車注乘車安車音義

下乘字繩
證反注及

曠反注同

下皆同 將及楚師而後從之乘皆踞轉而鼓琴注轉衣

裝音義

踞居慮反轉張戀反注及下同一音張鸞反裝側良反一本作囊

疏

正義曰踞謂坐

其上也戰車所有可坐其上明是衣囊耳當是盛衣甲之囊也下云取胄於囊當別有小囊盛胄定本作

衣近不告而馳之注射犬恨故近敵不告而馳皆取

胄於囊而胄入壘皆下搏人以投收禽挾囚注禽獲

也音義

胄直救反囊古毛反壘力軌反搏音博徐甫各反挾音協

弗待而出注射

犬又不待二子皆超乘抽弓而射既免復踞轉而鼓

琴曰公孫同乘兄弟也注言同乘義如兄弟音義

復扶

又反下
復討同

胡再不謀注謂不告而馳不待而出對曰曩

者志入而已今則怯也皆笑曰公孫之亟也注亟急

也言其性急不能受屈音義

曩奴黨反曩也怯去
業反亟居力反注同

疏

正義曰曩猶向也向者志入前敵而
馳馳入遇怯而出非是故不告也

○楚子自棘澤

還使薳啟疆帥師送陳無字注傳言齊楚固相結也

○吳人為楚舟師之役故注在此年夏音義

為于偽
反下注

同

召舒鳩人舒鳩人叛楚注舒鳩楚屬國名欲與共

伐楚楚子師于荒浦注荒浦舒鳩地音義

浦判
五反

使沈

尹壽與師祁犁讓之注二子楚大夫音義

犁力兮反
又利之反

舒鳩子敬逆二子而告無之且請受盟二子復命王
欲伐之蘧子曰不可注令尹蘧子馮彼告不叛且請
受盟而又伐之伐無罪也姑歸息民以待其卒注卒
終也卒而不貳吾又何求若猶叛我無辭有庸乃還
注彼無辭我有功為明年楚滅舒鳩傳○陳人復討
慶氏之黨鍼宜咎出奔楚注言宜咎所以稱名○齊
人城邾注邾王城也於是穀維闔毀王宮齊叛晉欲

求媚於天子故為王城之音義

邾苦洽反 疏 正義曰傳稱成王定鼎于

邾鄆周公就而營之謂之洛邑亦名王城其地舊名為邾故以邾為城名周語云靈王二十二年穀洛鬪

毀王宮計靈王以二年即位往年為二十二年往年毀壞其城故齊人今歲為王城之也 穆叔如

周聘且賀城王嘉其有禮也賜之大路注大路天子

所賜車之總名為昭四年叔孫所以賜路葬張本○

晉侯嬖程鄭使佐下軍注伐欒盈也鄭行人公孫揮

如晉聘注揮子羽也音義

揮許韋反

程鄭問焉曰敢問降

階何由注問自降下之道音義

下遐嫁反又如字

疏

正義曰下注階

猶道也知問降階者問自降下之道程鄭既得為子卿以卿是高位欲降意下人故問自降下之道

羽不能對歸以語然明注然明駸蔑音義

語魚據反駸子公反

然明曰是將死矣不然將亡貴而知懼懼而思降乃得其階注階猶道也下人而已又何問焉注言易知

音義

下戶嫁反易以豉反

且夫既登而求降階者知人也不在

程鄭其有亡釁乎不然其有惑疾將死而憂也注言

鄭本小人為明年程鄭卒張本音義

夫音扶知音反疏

正義曰程鄭忽問降階然明議其將死故云此程鄭身有罪禍懼奔亡之釁而輒問降階也若不然則有

迷惑之疾將死而憂乎何休難此云善言者君子所
尚有小人道之輒為死徵是善言不可出口此未得
傳之意也然明者鄭之知人知程鄭以佞媚嬖幸得
升卿位非有謙退止足之心今忽問降陷是改其常
度以其改常知其將死故疑其知將有亡釁惑疾而
憂故能出此語耳善言非其常所以知其死非謂口
出善言即當死也趙文子賢人也將死其語偷程
鄭小人也將死其言善俱是失常無所怪惑也

春秋左傳注疏卷三十五

春秋左氏傳注疏卷三十五考證

公會晉侯齊侯宋公衛侯鄭伯曹伯莒子邾子薛伯杞

伯小邾子于沙隨公至自會注無傳○臣浩按傳言

復錮欒氏是有傳也注云無傳者蓋為公至自會言

意古本公至自會自為一條

傳鄭人使少正公孫僑對曰注少正鄭卿官也○臣召

南按鄭有六卿其司徒司馬司空皆見於傳有太宰

官而非卿石彘是也少正為卿官尋傳上下惟見此

文是時子產之位在其上為子展子西伯有見二
十六年傳

傳貳於楚者子侯石孟歸而討之注石孟石奭○臣召

南按石奭與良霄以十一年如楚為楚所執傳在會
蕭魚之前至十三年冬楚人始歸良霄于鄭石奭之
計也此傳言歸而討之似蕭魚會後鄭即朝晉十二
年春歸國即討子侯石孟石孟似又是一人非石奭
也必以石奭實石孟則所謂子侯者又何人乎

傳執事實重圖之○趙汭補注曰此記子產之言與二十九年女叔侯論魯事皆以見霸國政令無節諸侯不勝其勞晉之不競以此

晉欒盈復入于晉入于曲沃注據曲沃衆還與君爭非欲出附他國故不言叛○劉敞曰不言叛者劫衆以敵君則亂而已矣蘇轍曰不書自齊何也齊之納盈非以兵明納之也辟如盜賊私納之耳

齊侯襲莒○林堯叟曰春秋書襲者此特筆也

傳慶氏以陳叛○趙汭補注曰叛楚非叛國故不以叛告也

傳知悼子少而聽於中行氏注悼子知瑩之子荀盈也

○臣召南

按史記索隱引系本云林父生庚庚生偃

偃生吳又曰首生瑩瑩生朔朔生盈並是四代則知盈與中行吳是再從兄弟也

傳齊侯伐衛注先驅前鋒軍○先驅監本訛作申齊今

改正

傳趙勝帥東陽之師以追之疏服虔以東陽為魯邑繆之甚矣東陽之師謂下文叔孫豹所帥者也○臣名

南按孔疏既知服虔以魯東陽解晉東陽之非又云東陽之師謂下文叔孫豹所帥是仍以魯師解晉師矣傳下文明曰叔孫豹帥師救晉次于雍榆與趙勝所帥東陽之師並無干涉疏文自相矛盾又何以糾服虔之失也尋按文勢必係從來刊本之誤疑疏元文當云服虔以東陽為魯邑東陽之師謂下文叔孫

豹所帥者謬之甚矣

傳臧賈臧為出在鑄○

臣召南

按十七年傳高厚圍臧

紂于防邾叔紂臧疇臧賈帥甲三百宵犯齊師送之而復是賈於紂為卿之後亦嘗還魯矣紂奔邾時賈又在鑄耳

傳自虞以上為陶唐氏○

臣召南

按唐書宰相世系表

劉氏出自祁姓劉累事夏為御龍氏在商為豕韋氏在周封為杜伯至宣王滅其國其子隰叔奔晉為士

師生士薦為生成伯缺缺生士會

傳在周為唐杜氏注遷之於杜為杜伯杜伯之子隰叔
奔晉○監本脫杜伯二字今添

傳齊社蒐軍實注祭社因閱數軍器○祭社監本訛作
祭禮今改正

傳齊人城郊○趙汭補注曰時穀水盛出於王城之西
而南流入于洛水毀王城之西南將及王宮故齊人
城郊

春秋左氏傳注疏卷三十五考證

謹按第二頁前八行注家其國邑刊本監本毛本
其訛有據宋本改

第五頁前一行疏實於口也諸本於上行出字口
實謂譴讓也諸本脫口字並據宋本刪增

後八行注又雜記云刊本又訛文今改

第八頁前八行傳肉骨刊本訛骨肉今改

第十頁前三行疏成十七年諸本七訛八據經文
改

第十一頁後一行注以取奔亡罪之諸本取訛此

據宋本改

第十六頁前八行疏詐為夫人孝服諸本詐訛謂

據宋本改

第十七頁前五行疏女子入於春藁諸本春訛春

據宋本改

第二十八頁後二行疏別有奪地諸本有訛也據

宋本改


第二十九頁前七行疏及微小之臣諸本及訛又

據宋本改

第三十頁後一行注賀克藥氏五字刊本脫據毛

本增





覆校官檢討臣陳夢元
校對官編修臣張秉愚
謄錄監生臣馬慶

欽定四庫全書薈要

經部

左傳注疏卷三十六

七

詳校官原任侍講_臣王燕緒



欽定四庫全書薈要卷一千一百五十二

經部

春秋左傳注疏卷三十六

起襄公二十五年盡二十五年

晉杜氏注 唐陸德明音義 孔穎達疏

十有五年春齊崔杼帥師伐我北鄙

夏五月乙亥齊崔杼弑其君光注齊侯雖背盟主未有

無道於民故書臣罪崔杼也音義

背音佩

公會晉侯宋公衛侯鄭伯曹伯莒子邾子滕子薛伯杞

伯小邾子于夷儀

六月壬子鄭公孫舍之帥師入陳注子產之言陳以不

義見入故舍之無譏釋例詳之疏

正義曰釋例曰陳蔡楚之與國鄭欲求親

於晉故伐而入之晉士莊伯詰其侵小問陳之罪子產答以東門之役故免於譏及其侵蔡既無晉命又無直辭君死主少興師以求媚於晉義取亂畧不能以德懷親又不能以直報怨故二大夫異於子產也陳之見伐本以助晉晉不逆勞而以法詰之得盟主道理故仲尼曰晉為伯鄭入陳非文辭不為功善之也

秋八月己巳諸侯同盟于重丘注夷儀之諸侯也重丘

齊地己巳七月十二日經誤音義

重直龍反

疏

正義曰僖五年公及齊侯

云云會王世子于首止秋八月諸侯盟于首止公羊傳曰諸侯何以不序一事而再見者前目而後凡也是言

前序後總取省文之義故此直言諸侯猶是上夷儀之諸侯也劉炫云定四年公會劉子云云于召陵五月公及諸侯盟于臯鼬杜云復稱公者會盟異處故此亦異處而不言公者炫謂史異辭於彼有規傳云七月經言八月杜以長歷校之七月十二日有己巳知是經誤也

公至自會注無傳

衛侯入于夷儀注夷儀本邢地衛滅邢而為衛邑晉愍

衛衍失國使衛分之一邑書入者自外而入之辭非國

逆之例音義

衍苦旦反

疏

正義曰僖元年邢遷于夷儀是夷儀本是邢地僖二十五年衛滅邢

而有之還名其地為夷儀故為衛之邑也釋例曰春秋稱入其例有二施於師旅則曰不地在於歸復則曰國

逆國逆又以立為例逆而不立則皆非例所及諸例在外稱入直是自外入內記事者常辭義無所取而賈氏雖夫人姜氏之入皆以為例如此甚多是杜以先儒妄以入例故顯言非國逆也於時剽為衛君非國逆又不得位而稱侯者晉人稱為衛侯以告魯故書侯也桓十五年鄭伯突入于櫟與此同也

楚屈建帥師滅舒鳩注傳在衛侯入夷儀上經在下從
告

冬鄭公孫夏帥師伐陳注陳猶未服

十有二月吳子遏伐楚門于巢卒注遏諸樊也為巢牛臣所殺不書滅者楚人不獲其尸吳以卒告未同盟而

赴以名音義

過於葛反
徐音謁

疏

正義曰諸侯不生名此吳子
名在伐楚上者為卒書名上

之以省文猶鄭伯髡頑
如會丙戌卒于鄆也

傳二十五年春齊崔杼帥師伐我北鄙以報孝伯之

師也注前年魯使孟孝伯為晉伐齊音義

為晉于偽
反下為己

取公患之使告于晉孟公綽曰崔子將有大志注志

在弑君孟公綽魯大夫音義

綽昌若反徐
本作卓音同

不在病我

必速歸何患焉其來也不寇注不為寇害使民不嚴

注欲得民心異於他日齊師徒歸注徒空也○齊棠

公之妻東郭偃之姊也注棠公齊棠邑大夫疏

正義曰楚

僭號稱王故縣尹稱公齊不僭號亦邑長稱公者蓋其家臣僕呼之曰公傳即因而言之猶伯有之臣云

吾公在壑谷也

東郭偃臣崔武子棠公死偃御武子以弔焉

見棠姜而美之注美其色也使偃取之注為已取也

音義

取如字又七住反注同注或作娶字

偃曰男女辨姓注辨別也音

義

別彼列反

今君出自丁注齊丁公崔杼之祖疏

正義曰謚法遠

義不克曰丁

臣出自桓不可注齊桓公小白東郭偃之祖

同姜姓故不可昏武子筮之遇困三三注坎下兌上

困音義

坎苦敢反
兌徒外反

之大過三三注巽下兌上大過困

六三變為大過音義

巽音孫

疏

正義曰坎下兌上為困
兌為澤坎為水水在澤

下則澤中無水也易困象曰澤無水困澤以鍾水潤
生萬物今則無水則萬物困病故名其卦為困也巽
下兌上為大過彖曰大過大者過也
陽大陰小二陰而夾四陽大者過也史皆曰吉注阿

崔子疏

正義曰史者筮人也史有多人皆言為
吉阿崔子之意也服虔云皆二卦妄也示陳

文子文子曰夫從風注坎為中男故曰夫變而為巽

故曰從風音義

中丁仲反

風隕妻不可娶也注風能隕落

物者變而隕落故曰妻不可娶音義

隕于敏反娶亦
作取七佳反注

同

且其繇曰困于石據于蒺藜入于其宮不見其妻

凶注困六三爻辭音義

繇直又反蒺音疾藜力私反

困于石往不

濟也注坎為險為水水之險者石不可以動也疏

正義

曰坎象云習坎重險也說卦坎為水水之險者為石也石不可動往而遇石是往不濟也

據于蒺

藜所恃傷也注坎為險兌為澤澤之生物而險者蒺

藜恃之則傷疏

正義曰兌為澤說卦文也釋草云蒺藜郭璞曰布地蔓生細葉子有三

角刺人蒺藜有刺是草之險者踐之則被刺故恃之則傷也

入于其宮不見其妻

凶無所歸也注易曰非所困而困名必辱非所據而

據身必危既辱且危死其將至妻其可得見邪今卜昏而遇此卦六三失位無應則喪其妻失其所歸也

音義

應應對之應

疏

正義曰所引易曰易下繫辭文也孔子引此爻之辭而以此言

述之非所困而困者謂六三是坎坎為水水之險者為石遇石當湏避之非合所困而困之故名必辱也非所據而據謂六三在坎之上澤之下於蒺藜之間應當辟之非合所據而乃據之故身必危也石未即害身之物所以云名必辱蒺藜害體之物故云身必危既有困辱且復傾危此死時其將至矣妻其可得見乎孔子述此爻之義如是今卜昏而遇此卦是不吉之象也六三以陰居陽位是失位也三應在上上亦陰爻是無應也動而無應是喪失所歸故不見其妻也劉炫云困卦六三上承九四四非三應而三欲

附之附之不入自取其困不應為此困而為之名必辱也六三失位而下乘九二以柔乘剛非安身之道不應據而據之身必危也崔子曰嬖也何害先夫當之矣注寡婦

曰嬖言棠公已當此凶音義

嬖本又作釐力之反

遂取之莊公

通焉駮如崔氏以崔子之冠賜人侍者曰不可公曰

不為崔子其無冠乎注言雖不為崔子猶自應有冠

音義

駮愁又反

疏

正義曰公意言冠易得不足惜縱使餘人不為崔子者其可無冠乎

况崔子富貴其當自有冠也劉炫云冠是首服之大名周禮司服卿玄冕此崔子之冠蓋玄冕也今知非者以禮運云冕弁兵革藏於私家非禮也崔子冕在公府非助君祭不得用之將以賜人人非是卿何處

施用案傳云驟如崔氏以崔子之冠賜人當謂就崔子家以崔子冠賜人當是玄冠也或冠模制作有異故以賜人崔子因是注因是怒公又以其間伐晋也注間

晋之難而伐之音義

間間廁之間注同難乃旦反

曰晋必將報欲

弑公以說于晋而不獲間公鞭侍人賈舉而又近之

乃為崔子間公注伺公間隙音義

弑申志反說音悅又如字近附近之

近下近於公宮并注同為于偽反下莒為下注為崔子同

夏五月莒為且于之役

故莒子朝于齊注且于役在二十三年音義

且子餘反甲

戊饗諸北郭崔子稱疾不視事注欲使公來乙亥公

問崔子注問疾遂從姜氏姜入于室與崔子自側戶

出公拊楹而歌注歌以命姜音義

拊方甫反拍也楹音盈

侍人

賈舉止衆從者而入閉門注為崔子閉公也重言侍

人者別下賈舉音義

從才用反重直用反別彼列反

甲興公登臺而

請弗許注請免請盟弗許請自刃於廟弗許注求還

廟自殺也皆曰君之臣杼疾病不能聽命注不能親

聽公命近於公宮注言崔子宫近公宮或淫者詐稱

公陪臣干楹有淫者不知二命注干楹行夜言行夜

得淫人受崔子命討之不知他命音義

陪臣干徐云讀曰犴胡旦

反注同服音如字擻側抑反徐又子俱反一音作侯

反說文云擻夜戒有所擊也從手取聲字林同音子

侯反服本作誼子須反謀也今傳本或疏正義曰昭

作誼猶依擻音行夜音下孟反下同二十年傳

說齊公孫青聘衛之事云賓將擻主人辭賓曰若不

獲擻外役是不有寡君也乃親執鐸終夕與於燎燎

即是擻之事擻外役即是干之義也故先儒相傳皆

以干擻為行夜說文云擻夜戒守有所擊從手取夜

扞寇盜手有所擊故以干擻為行夜官名也服虔云

一曰干扞也擻謀也言受崔子命扞禦謀淫之人有

此謬說故擻字或誤從言也今定本作干擻受崔子

之命又受公命是為二命故云受崔子命討之不知

他命也公踰牆又射之中股反隊遂弑之疏正義曰上

也

之丈而云又射之者以公未踰牆必已射公但射公不中傳文不載以踰牆射之中股故傳言其事而云

也又賈舉州綽邴師公孫敖封具鐸父襄伊儻堙皆死

注八子皆齊勇力之臣為公所嬖者與公共死於崔

子之宮音義

射食亦反中丁仲反股音古隊直類反具求付反鐸待洛反儻力侯反堙音因

祝佗父祭於高唐注高唐有齊別廟也音義

佗徒河反至

復命不說弁而死於崔氏注爵弁祭服音義

說他活反弁皮

彦反

申蒯侍漁者注侍漁監取魚之官音義

蒯苦怪反監古銜反

退謂其宰曰爾以帑免注帑宰之妻子音義

帑音奴我

將死其宰曰免是反子之義也與之皆死注反死君之義崔氏殺驂蔑于平陰注驂蔑平陰大夫公外嬖傳言莊公所養非國士故其死難皆嬖寵之人音義

驂子公反難乃旦反下皆同

晏子立於崔氏之門外注聞難而來

其人曰死乎曰獨吾君也乎哉吾死也注言已與衆

臣無罪曰行乎曰吾罪也乎哉吾亡也注自謂無罪

曰歸乎曰君死安歸注言安可以歸君民者豈以陵

民社稷是主臣君者豈為其口實社稷是養注言君

不徒居民上臣不徒求祿皆為社稷音義

為于偽反注皆為及

下文同

故君為社稷死則死之為社稷亡則亡之注謂

以公義死亡若為已死而為已亡非其私暱誰敢任

之注私暱所親愛也非所親愛無為當其禍音義

女暱

乙反任音壬當也

且人有君而弑之吾焉得死之而焉得亡

之注言已非正卿見待無異於衆臣故不得死其難

也音義

弑申志反焉於虔反下同

將庸何歸注將用死亡之義何

所歸趣門啟而入枕尸股而哭注以公尸枕已股音

義

枕之鵠反注同

興三踊而出人謂崔子必殺之崔子曰民

之望也舍之得民注舍置也音義

踊羊寵反

盧蒲癸奔晉

王何奔莒注二子莊公黨為二十八年殺慶舍張本

叔孫宣伯之在齊也注宿伯魯叔孫僑如成十六年

奔齊叔孫還納其女於靈公嬖生景公注還齊羣公

子納宣伯女於靈公音義

還音旋

丁丑崔杼立而相之

慶封為左相盟國人於大宮注大宮大公廟音義

息相

亮反下同大音泰注同

曰所不與崔慶者晏子仰天歎曰嬰所

不唯忠於君利社稷者是與有如上帝乃歆注盟書

云所不與崔慶者有如上帝讀書未終晏子抄答易

其辭因自歆音義

曰所不與崔慶者本或此下有有如此盟四字者後人妄加歆所洽

反又所
甲反

辛巳公與大夫及莒子盟注莒子朝齊遇崔

杼作亂未去故復與景公盟音義

復扶
又反

大史書曰崔

杼弑其君崔子殺之其弟嗣書而死者二人注嗣續

也并前有三人死其弟又書乃舍之南史氏聞大史

盡死執簡以往聞既書矣乃還注傳言齊有直史崔

抒之罪所以聞問丘嬰以惟縛其妻而載之與申鮮

虞乘而出注二子莊公近臣音義

惟位悲反縛直轉反乘繩證反鮮

虞推而下之注下嬰妻也音義

推如字又他回反

曰君昏不

能匡危不能救死不能死而知匿其暱注匿藏也暱

親也音義

匿女力反暱女乙反

其誰納之行及弇中將舍注弇

中狹道音義

弇於檢反又於廛反狹音洽

嬰曰崔慶其追我鮮虞

曰一與一誰能懼我注言道狹雖衆無所用遂舍枕

轡而寢注恐失馬也音義

枕之鳩反

食馬而食駕而行出

弇中謂嬰曰速驅之崔慶之衆不可當也遂來奔注

道廣衆得用故不可當音義

食馬音嗣

崔氏側莊公于北

郭注側瘞埋之不殯於廟音義

瘞於滯反埋無皆反

丁亥葬諸

士孫之里注士孫人姓因名里死十三日便葬不待

五月四嬰注喪車之飾諸侯六嬰音義

嬰所甲反

疏

正義曰周

禮縫人掌衣嬰柳之材鄭玄云先經衣其木乃以張

飾也喪大記飾棺君黼嬰二黻嬰二畫嬰二鄭玄云

漢禮嬰以木為筐廣三尺高二尺四寸方兩角高衣

以白布畫者畫雲氣餘各如其象柄長五尺車行使

人持之而從既窆樹於壙中檀弓曰周人牆置嬰是

也是說嬰之制也方言云自闕而東謂扇為嬰則嬰

是扇之類也禮器云天子八翬諸侯六
翬大夫四翬鄭玄云八翬者加龍翼二
不蹕注蹕止

行人音義

蹕音必

疏

正義曰禮喪車乘人專道而行無
貴賤一也蹕者止行人也此不止

行人畧
賤之

下車七乘不以兵甲注下車送葬之車齊舊

依上公禮九乘又有甲兵今皆降損音義

乘繩證反
注及下七

百乘疏

正義曰服虔云下車遣車也雜記云遣車視
牢具鄭玄云言車多少各如所包遣奠牲體

之數也然則遣車載所包遣奠而藏之者與遣奠天
子大牢包九個諸侯亦大牢包七個大夫亦大牢包
五個士少牢包三個大夫以上乃有遣車如鄭之所
言遣車者乃是明器塗車芻靈載所包遣奠藏之於
壙中下車若是明器則甲兵亦是明器當云無甲兵
不得云不以甲兵也杜言送葬之車則謂此為貳車

非遣車也言下車者蓋謂麓惡之車非良車也周禮大行人云上公貳車九乘侯伯貳車七乘子男貳車五乘則齊是侯爵法當車七乘耳今傳舉七乘言其不依舊法知齊舊依上公之禮貳車九乘其送葬又有甲兵今皆降損也用甲兵者葬是送終大禮法當備列軍陳若漢葬霍光發材官輕車北軍伍校士軍陳至茂陵以送其

葬所以榮之也

○晉侯濟自泮注泮闕音義

泮音半反

會于夷儀伐齊以報朝歌之役注朝歌役在二十三年不書伐齊齊人逆服兵不加齊人以莊公說注以

弑莊公說晉也音義

說如字又音悅注同

疏

正義曰劉炫云杜意晉謀伐齊齊人

乃弑莊公以說晉也炫謂莊公死後晉始謀伐齊齊人以莊公伐晉晉欲報伐莊公既以此說晉言晉讎

既死今新君服從晉也

使隰鉏請成慶封如師注慶封獨使於

晉不通諸侯故不書鉏隰朋之曾孫音義

鉏仕居反使所吏反

男女以班賂晉侯以宗器樂器注宗器祭祀之器樂

器鐘磬之屬疏

正義曰劉炫云哀元年蔡人男女以辨與此同杜意男女分別將以賂晉

也炫謂男女分別示晉以恐懼服罪非以為賂也

自六正注三軍之六卿五

吏三十帥注五吏文職三十帥武職皆軍卿之屬官

音義

帥所類反注及下注將帥同

疏

正義曰此齊以晉將來伐就會賂之則五吏三十帥皆軍

內之官也三軍將佐有六與六正數同故以六正為六卿也其五吏三十帥皆是軍內之官以三軍與六

正數同必是在軍之官但軍官不復可知下句言三軍之大夫百官之正長則軍內羣官足包之矣於大夫之上言五吏三十帥此吏帥未必貴於大夫當以有所掌故先言之耳以吏者治也故為文職帥者有所率領故為武職杜氏以意而解不能審悉故云皆軍卿之屬官畧言之耳既以帥為武職則帥是大帥下句復云師旅明當小於此帥故杜以下師旅為小將帥董遇云五吏謂一正有五吏為三十帥之長亦以意言之耳俗本三

十帥為三十帥非也三軍之大夫百官之正長師旅注百官正長羣有司也師旅小將帥音義

長丁丈反注同

及

處守者皆有賂注皆以男女為賂處守守國者音義

處守手又反注處守同守國如字或手又反

疏

正義曰杜以上句男女以班與賂連文故云皆以男

女為賂劉炫以為男女以班示降服於晉有賂者皆有貨財賂之非以男女為賂與杜異也

晉侯

許之注晉侯受賂還不譏者齊有喪師自宜退

正義

曰案傳會于夷儀伐齊以報朝歌之役齊人以莊公說則晉初伐齊之日未知莊公已死齊人以說方始知之齊既有喪師自宜退縱今受賂未合致譏故杜為此解而劉以為齊弑君之後晉始來伐而規杜氏

非也

使叔向告於諸侯注告齊服公使子服惠伯對曰

君舍有罪以靖小國君之惠也寡君聞命矣○晉侯

使魏舒宛沒逆衛侯注衛獻公以四十年奔齊音義

宛於元反

將使衛與之夷儀崔子止其帑以求五鹿注崔

抒欲得衛之五鹿故留衛侯妻子於齊以質之疏

正義正

曰衛侯本以妻子奔齊今衛侯將入夷儀崔子止其帑於齊所以止之以求五鹿故也衛侯若得衛國望以五鹿與齊故止其妻子以質之也 ○初陳侯會楚子伐鄭注在前年

當陳隧者井堙木刊注隧徑也堙塞也刊除也音義

隧音遂徐又徒猥反下同堙音因刊古干反徑古定反

鄭人怨之六月鄭子展

子產帥車七百乘伐陳宵突陳城注突穿也遂入之

陳侯扶其大子偃師奔墓注欲逃冢間遇司馬桓子

曰載余注陳之司馬曰將巡城注不欲載公以巡城

辭遇賈獲注賈獲陳大夫載其母妻下之而授公車

公曰舍而母辭曰不祥注雖急猶不欲男女無別音

義

別彼列反
下文同

與其妻扶其母以奔墓亦免于展命師

無入公宮與子產親御諸門注欲服之而已故禁侵

掠音義

御魚呂反
掠音亮

陳侯使司馬桓子賂以宗器陳侯

免擁社注免喪服擁社抱社主示服音義

免音問注
同徐音萬

喪冠也擁
於勇反

使其衆男女別而纍以待於朝注纍自囚

係以待命音義

纍類悲反一
音呂軌反

疏

正義曰宣十二年楚
子入鄭鄭伯肉袒牽

羊所以不別以男女囚繫以待命者此雖降服猶望國存故以囚繫男女擬為鄭之僕隸彼則恐其遂滅請俘江南國已亡滅男女非已之有故與此不同子展執繫而見注見陳侯

音義

繫陟立反見賢遍反

再拜稽首承飲而進獻注承飲奉觴

示不失臣敬子美入數俘而出注子美子產也但數

其所獲人數不將以歸音義

數俘所主反注但數同俘方夫反

祝祓

社司徒致民司馬致節司空致地乃還注祓除也節

兵符陳亂故正其衆官修其所職以安定之乃還也

音義

祓芳弗反徐音沸

疏

正義曰周禮女巫巫掌歲時祓除釁浴鄭玄云歲時祓除如今三月上

已如水上之類。釁浴謂以香薰草藥沐浴。彼言祓除知此祓社是祓除也。其祓除之事當如鄭之言也。周禮有掌節之官。節為兵符。若今之銅虎符、竹使符也。陳國既亂，致使官司廢闕，民人分散，符節失亡。故令陳之司徒招致民人，司馬集致符節，司空檢致土地，使各依其舊師乃迴還也。劉炫云：陳國既亂，民節與地非復陳有。子展子產心不滅陳，各使已之官屬各依其職事致之於陳，使民依職領受，具其衆官備其所職以安定之，乃還也。諸官皆鄭人在軍有此官者，蓋權使攝為之，未必是正官。服虔以為祝與司徒等皆是陳人，各致其所主於子產。案傳陳侯擁社自抱以逆，又何須祝祓之子美數俘獲尚不取，何當取其民地使陳致之既致乃還。○秋七月己巳同盟于重，則是滅矣，何以云入陳也。

丘齊成故也。注伐齊而稱同盟以明齊亦同盟。疏正義正。

曰杜以經言同盟傳言伐齊直書諸侯同盟齊人不
序於列故據同盟之言以明齊亦與盟劉炫以為齊
直遣慶封如師齊侯不與盟今知非者以五月齊弑
莊公之後即立景公及七月始盟傳言齊成故也明
齊侯在會莊十六年同盟于幽傳云鄭成也二十七
年同盟于幽傳云陳鄭服也竝與此文同又傳稱重
丘之盟未可忘也故知齊亦同盟劉
以為齊侯不與盟而規杜氏非也

○趙文子為政

注趙氏代范句令薄諸侯之幣而重其禮注以重禮
待諸侯穆叔見之謂穆叔曰自今以往兵其少弭矣

注弭止也音義

弭亡氏反

齊崔慶新得政將求善於諸侯

武也知楚令尹注令尹屈建疏

正義曰趙文子初始為政與令尹相知望

其在後兵息知是新令尹也下文始言屈建為令尹者因伐舒鳩而追序之其實為子馮卒在此盟前故

服杜皆以令尹為屈建也

若敬行其禮道之以文辭以靖諸侯兵

可以弭注為二十七年晉楚盟于宋傳音義

道音導

○

楚蘧子馮卒屈建為令尹注屈建子木屈蕩為莫敖

注代屈建宣十二年邲之役楚有屈蕩為左廣之右

世本屈蕩屈建之祖父今此屈蕩與之同姓名音義

邲扶必反
廣古曠反

舒鳩人卒叛注前年辭不叛楚令尹子木

伐之及離城注離城舒鳩城吳人救之子木遽以右

師先注先至舒鳩音義

遽其據反

子彊息桓子捷子駢子

孟帥左師以退注五人不及子木與吳相遇而退音

義

捷在接反駢蒲賢反又蒲丁反孟音于

吳人居其間七日志居楚兩

軍之間子彊曰久將墊隘隘乃禽也不如速戰注墊

隘慮水雨音義

墊丁念反方言云下也隘於懈反

疏

正義曰成六年注云墊隘羸困

也方言云墊下也吳地下溼久駐於此慮水雨大至民將困病故恐為人所禽制也

請以其私

卒誘之簡師陳以待我注簡閱精兵駐後為陳音義

卒子忽反下同陳直觀反注同駐張住反

我克則進奔則亦視之注視其

形勢而救助之乃可以免不然必為吳禽從之五人

以其私卒先擊吳師吳師奔登山以望見楚師不繼

復逐之傳諸其軍注吳還逐五子至其本軍音義復扶

又反下復伐陳同傳音附簡師會之吳師大敗遂圍舒鳩舒鳩潰

八月楚滅舒鳩注五子既敗吳師遂前及子木共圍

滅舒鳩音義潰戶內反○衛獻公入于夷儀注為下自夷

儀與甯喜言張本○鄭子產獻捷于晉注獻入陳之

功而不獻其俘正義曰上云數俘而出不將以歸知其空獻功不獻俘也戎服

將事注戎服軍旅之衣異於朝服

正義曰周禮司服云凡兵事韋

弁服鄭玄云韋弁以韎韁為弁又以為衣裳也諸侯之朝服玄冠緇布衣素積以為裳是戎服異於朝服

也

晉人問陳之罪對曰昔虞闕父為周陶正以服事

我先王注闕父舜之後當周之興闕父為武王陶正

音義

闕於葛反

我先王賴其利器用也與其神明之後也

注舜賢故謂之神明庸以元女大姬配胡公注庸用

也元女武王之長女胡公闕父之子滿也音義

大音泰配

亦作妃音配長丁丈反

疏

正義曰庸聲近用故為用也史記陳世家云陳胡公滿者虞帝舜之後也

舜傳禹而舜子商均為封國夏后之時或失或續武
王克殷求舜後得嫡滿封之於陳以奉帝舜祀是為
胡而封諸陳以備三恪注周得天下封夏殷二王後

又封舜後謂之恪并二王後為三國其禮轉降示敬

而已故曰三恪音義

恪苦洛反疏正義曰樂記云武王克

之後於薊封帝堯之後於祝封帝舜之後於陳下車
而封夏后氏之後於杞投殷之後於宋郊特牲云天
子存二代之後猶尊賢也尊賢不過二代鄭玄以此
謂杞宋為二王之後後薊祝陳為三恪杜今以周封夏
殷之後為二王後又封陳舜二王後為三恪杜意以
此傳言以備三恪則以陳備三恪而已若遠取薊祝
則陳近矣何以言備以其稱備知其通二代而備其
數耳二代之後則各自行其正朔用其禮樂王者尊

之深也舜在二代之前其禮轉降恪敬也封其後示敬而已故曰恪雖通二代為三其二代不假稱恪唯陳為恪耳則我周之自出至于今是賴注言陳周之甥至

今賴周德桓公之亂蔡人欲立其出注陳桓公鮑卒

於是陳亂事在魯桓五年蔡出桓公之子厲公也我

先君莊公奉五父而立之注五父佗桓公弟殺大子

免而代之鄭莊公因就定其位音義

佗徒何反

蔡人殺之

注欲立其出故我又與蔡人奉戴厲公注奉戴猶奉

事至於莊宣皆我之自立注陳莊公宣公皆厲公子

夏氏之亂成公播蕩又我之自入君所知也注播蕩
流移失所宣十一年陳夏徵舒弑靈公靈公之子成
公奔晉自晉因鄭而入也音義夏戶雅反今陳忘周
之大德蔑我大惠棄我姻親介恃楚衆以憑陵我敝
邑不可億逞注億度也逞盡也音義介音戒憑皮永

勅景反度待洛反

我是以有往年之告注謂鄭伯稽首告晉

請伐陳未獲成命注未得伐陳命則有我東門之役
注前年陳從楚伐鄭東門當陳隧者井堙木刊敝邑

大懼不競而恥大姬注上辱大姬之靈天誘其衷啟

敝邑心注啟開也開道其心故得勝音義

衷音忠

陳知

其罪授手于我用敢獻功晉人曰何故侵小對曰先

王之命唯罪所在各致其辟注辟誅也音義

辟婢亦反注同

疏正義曰陳大於鄭而謂之侵小者言陳對晉為小不言小於鄭也子展伐陳此言侵謂侵陵之非用

兵之侵也

且昔天子之地一圻注方千里音義

圻音祈

列國

一同注方百里疏

正義曰周法大國五百里此為一同者引夏殷時國小以譏晉國之

寬大權以拒晉耳

自是以衰注衰差降音義

衰初危反注同疏正義曰中

國七十小國五十是降差

今大國多數圻矣若無侵小何以至焉

晉人曰何故戎服對曰我先君武莊為平桓卿士注

鄭武公莊公為周平王桓王卿士音義

數色主反下數甲兵數疆

濂各并注同

城濮之役文公布命曰各復舊職注晉文公

音義

濮音

命我文公戎服輔王以授楚捷不敢廢王

命故也注城濮在僖二十八年士莊伯不能詰注士

莊伯士弱也音義

詰起吉反

復於趙文子文子曰其辭順

犯順不祥乃受之冬十月子展相鄭伯如晉拜陳之

功注謝晉受其功音義

相息亮反

子西復伐陳陳及鄭平

注前雖入陳服之而已故更伐以結成仲尼曰志有

之注志古書言以足志文以足言注足猶成也音義

足將住反又如字下及注同

不言誰知其志言之無文行而不遠

注雖得行猶不能及遠晉為伯鄭入陳非文辭不為

功慎辭哉注樞機之發榮辱之主疏

正義曰易繫文也鄭玄云樞戶

樞也機弩牙也戶樞之發或明或闇弩牙之發或中或否以譬言語之發有榮有辱傳言子產善為文辭

於鄭有榮也

○楚為掩為司馬注為掩子馮之子子木使

庀賦注庀治音義

庀匹婢反疏正義曰庀訓為具而言治者以下說治賦之事治之

使具故以庀為治也

數甲兵注閱數之甲午為掩書土田注書

土地之所宜度山林注度量山林之材以共國用音

義

度待洛反注及下注同共音恭

鳩藪澤注鳩聚也聚成藪澤使民

不得焚燎壞之欲以備田獵之處音義

藪素口反燎力召反處昌

慮疏

正義曰鳩聚釋詁文也釋地有十藪李巡曰藪反疏澤之別名也周禮澤虞有大澤大藪小澤小藪

鄭玄云澤水所鍾也水希曰藪其職云若大田獵則菜澤野是藪為田獵之處或焚其草則散失澤藪之

用故聚成使不得焚燎之也

辨京陵注辨別也絕高曰京大阜曰

陵別之以為冢墓之地音義

別彼列疏正義曰釋丘反下同疏云絕高為之

京非人為之丘李巡曰丘高大者為京也孫炎曰為之人所作也則京為丘類人力所作也釋地云大陸

曰阜大阜曰陵李巡曰大陸謂土地高大名曰阜阜最大為陵也檀弓稱趙太子與叔譽觀于九原觀晉

諸大夫之墓也僖三十二年傳云穀有二陵焉其表南陵夏后皋之墓也故知別丘陵以為墓墓之地表

淳鹵注淳鹵埆薄之地表異輕其賦稅音義

淳音純鹵音魯

說文云鹵西方鹹也埆音學

疏正義曰賈逵云淳鹹也說文云鹵西方鹹地也從西省象鹽形安定

有鹵縣東方謂之斥西方謂之鹵呂氏春秋稱魏文侯時史起為鄴令引漳水以灌田民歌之曰決漳水

以灌鄴旁終占斥鹵生稻梁是鹹薄之地名為斥鹵禹貢云海濱廣斥是也淳鹵地薄收穫常少故表之

輕其賦稅

數疆潦注疆界有流潦者計數減其租入音義

疆居良反注同賈

正義曰賈逵以疆為疆牒境垧

又其兩反潦音老

疏之地鄭衆以為疆界內有水潦

者案周禮草人凡糞種疆牒用糞鄭玄云疆牒疆堅

者則疆地猶堪種植非水潦之類故從鄭衆之說數

其疆界有水潦者計數減其租稅也

規偃豬注偃豬

孫毓讀為疆潦注云砂礫之田也

下溼之地規度其受水多少音義

偃於建反又一音如字豬陟魚反尚

書傳云停

疏正義曰禹貢徐州大野既豬孔安國云

水曰豬

疏水所停曰豬檀弓云有弑其父者滂其

宮而豬焉是豬者停水之名偃豬謂偃水為豬故為

下溼之地規度其地受水多少得使田中之水注之

町原防注廣平曰原防隄也隄防間地不得方正如

井田別為小頃町音義

町徒頂反隄丁兮反頃苦頴反

疏

正義曰廣平曰原釋

地文李巡曰謂土地寬博而平正名曰原釋丘云墳
大防孫炎曰謂隄也隄防之間或有平地不得平正
以為井田取其可耕之處別為小頃町也說文云町
田踐處曰町史游急就篇云頃町界畝是町亦頃類
故連言之也謂廣平為原者因爾雅之文其實此原
謂隄防之間也劉炫云廣平曰原土地寬平當與隄
相配非是不得為井田也釋地於陸阜陵阿之下云
可食者曰原孫炎曰可食謂有井田也陵阿山田可
種穀者亦曰原也謂彼陵阿
之間可食之地非廣平也

牧隰臯注隰臯水岸下

溼為陂牧之地音義

牧州牧之牧

疏

正義曰釋地云下溼曰隰李巡曰下溼謂

土地窳下名為隰也詩云鶴鳴于九臯毛鄭皆以臯
為澤之坎是臯為水岸也下溼與水岸不任耕作故

使牧牛馬於中以爲芻牧之地

井衍沃注衍沃平美之地則如周禮

制以爲井田六尺爲步步百爲畝畝百爲夫九夫爲

井音義

衍以善反賈云下疏正義曰周禮大司徒以

生四曰墳衍五曰原隰衍地高於原傳稱邠取氏之地沃饒魯語云沃土之民逸則衍沃俱是平美之地衍是高平而美者沃是低平而美者二者竝是良田故如周禮之法制之以爲井田賈逵云下平曰衍有溉曰沃所指雖異俱爲良美之田也六尺爲步以下皆司馬法之文自度山林以下至此有九事賈逵以爲賦稅差品其注云山林之地九夫爲度九度而當一井也藪澤之地九夫爲鳩八鳩而當一井也京陵之地九夫爲辨七辨而當一井也淳鹵之地九夫爲表六表而當一井也疆療之地九夫爲數五數而當

一井也偃豬之地九夫為規四規而當一井也原防之地九夫為町三町而當一井也隰臯之地九夫為牧二牧而當一井也衍沃之地畝百為夫九夫為井周禮小司徒云乃經土地而井牧其田野鄭玄云隰臯之地九夫為牧二牧而當一井今造都鄙授民田有不易有一易有再易通率二而當一是之謂井牧是鄭賈同此說也案周禮所授民田不過再易唯有三當一耳不得有九當一也山陵藪澤京陵偃豬本非可食之地不在授民之限雖九倍與之何以充稅而使之當一井也且以度鳩之等皆為九夫之名經傳未有此目故杜不用其說

量入修賦注量九土之所入而治理

其賦稅音義

量音良又音亮注同

疏

正義曰量其九土所宜觀其收入多少乃準其所入

修其賦稅其九土之內偃豬京陵無物可入而言九土之所入者總言之賦車籍馬注籍

疏其毛色歲齒以備軍用疏

正義曰賦與籍俱是稅也稅民之財使備車馬

因車馬之異故別為其文

賦車兵注車兵甲士徒兵注步卒音義

卒子疏正義曰車兵也甲士也徒兵者步卒也知非忽反兵器者上云數甲兵下云甲楯之數故知此

兵為人也劉炫云兵者戰器車上甲士與步卒所執兵各異也司兵掌五兵鄭衆云五兵者戈殳戟酋矛夷矛又曰軍事建車之五兵鄭玄云車之五兵鄭司農所云者是也步卒之五兵無夷矛而有弓矢事或

當然甲楯之數注使器械有常數音義

楯食準反又音尹杖直亮反

既成以授子木禮也注得治國之禮傳言楚之所以

興○十二月吳子諸樊伐楚以報舟師之役注舟師

在二十四年也門于巢注攻巢門巢牛臣曰吳王勇

而輕若啟之將親門注啟開門也音義輕遠我獲射

之必殪注殪死也音義射食亦反下同殪於計反是君也死彊其

少安從之吳子門焉牛臣隱於短牆以射之卒音義

疆居良反○楚子以滅舒鳩賞子木辭曰先大夫為子之

功也以與焉掩注往年楚子將伐舒鳩為子馮請退

師以湏其叛楚子從之卒獲舒鳩故子木辭賞以與

其子○晉程鄭卒子產始知然明注前年然明謂程

鄭將死今如其言故知之問為政焉對曰視民如子

見不仁者誅之如鷹鷂之逐鳥雀也子產喜以語子

大叔且曰他日吾見蔑之面而已注蔑然明名音義

鷹於陵反鷂之然反徐又居延反語魚據反

今吾見其心矣子大叔問政

於子產子產曰政如農功日夜思之思其始而成其

終朝夕而行之行無越思注思而後行音義

朝如字如

農之有畔注言有次其過鮮矣○衛獻公自夷儀使

與甯喜言注求復國也甯喜許之大叔文子聞之注

大叔儀也曰烏乎詩所謂我躬不說皇恤我後者甯

子可謂不恤其後矣注皇暇也詩小雅言今我不能

自容說何暇念其後乎謂甯子必身受禍不得恤其

後也音義

說音悅注同詩作閱容也

疏

正義曰詩小雅小弁之篇

將可乎哉殆

必不可君子之行思其終也注思使終可成思其復也注思其可復行書曰慎始而敬終終以不困注逸

書疏

正義曰尚書蔡仲之命云慎厥初惟厥終終以不困此所引者蓋是彼文學者各傳所聞而字

有改易或引其意而不全其文故不同也

詩曰夙夜匪解以事一人注一

人以喻君音義

解佳賣反

今甯子視君不如奕棋注奕圍

棋也音義

奕音亦棋音其

疏

正義曰方言云圍棋謂之奕自關東齊魯之間皆謂之奕蓋此

戲名之曰奕故說文奕從其言竦兩手而執之孟子稱奕秋善奕秋人自以善奕而著名也棋者所執之子故云奕者舉棋不定不勝其耦謂舉子下之不定則不勝其耦是棋為子也以子圍而相殺故謂之圍棋沈氏云圍棋稱奕者取其落奕之義也

其何以免乎奕者舉棋不定不

勝其耦而況置君而弗定乎必不免矣九世之卿族

一舉而滅之可哀也哉注甯氏出自衛武公及喜九

世也

傳會于夷儀之歲齊人城邾注在二十四年不直言

會夷儀者別二十五年夷儀會音義

此傳本為後年修成當續前卷

二十五年之傳後簡編爛脫後人傳寫

疏

正義曰凡傳却言前

事者皆舉時事為驗二十四年二十五年頻年會于夷儀恐其事無以相別故復言齊人城邾以明秦晉為成在二十四年也不直言齊人城邾者以其非經故也此已連經舉之故下文烏餘奔晉直舉城邾之歲不言會于夷儀

其五月秦晉為成晉韓起如秦涖盟秦伯

車如晉涖盟注伯車秦伯之弟鍼也音義

涖音利又音類車音

居鍼其

成而不結注不結固也傳為後年修成起本

當繼前年之末而特跳此者傳寫失之音義

為于偽反跳直

彫反傳寫直專

疏

正義曰漢書藝文志云左氏傳三十卷則丘明自分為三十也丘明

反一本作轉

作傳使文勢相接為後年之事而年前發端者多矣
文十年傳云厥貉之會麋子逃歸十一年云楚子伐
麋宣十一年傳云厲之役鄭伯逃歸十二年而云楚
子圍鄭皆傳在前卷之末豫為後卷之始此為後年
修成發其前成不結其事與彼相類不宜獨載卷首
知其當繼前年之末也而特跳出在於此卷之首者
是傳寫失之也學者以此語字多欲令與下相接故
輒斷彼末寫於此首後人因循不敢改易故失之言
失其本真也說文云跳躍也謂足絕地而高舉也魏
晉儀注寫章表別起行頭者謂之跳出故杜以跳言
之

春秋左傳注疏卷三十六

春秋左氏傳注疏卷三十六考證

公會晉侯宋公衛侯鄭伯曹伯莒子邾子滕子薛伯杞伯小邾子于夷儀○孫復曰晉再合諸侯將伐齊齊人懼弑莊公以求成晉侯許之八月諸侯同盟于重邱是也齊人之事逆之大者晉侯不能討曷以宗諸侯宜乎大夫日熾自是遂不可制也

諸侯同盟于重邱注重邱齊地○顧炎武日知錄曰十七年衛孫蒯田于曹隧飲馬于重邱注云曹邑此年

同盟注云齊地是二重邱為二國地也

衛侯入于夷儀注晉愍衛衍失國使衛分之一邑○呂祖謙曰此年會于夷儀之衛侯即剽也衛侯入于夷儀即衍也不嫌兩君名寔相亂乎曰衍雖無道然非臣下所當逐則剽亦非臣下所得立故衍入夷儀不名以正其名於復歸則正其失地之罪名之然則鄭伯突入于櫟何以名曰突不當立者衍當立者故入夷儀不名也

臣浩按孔疏謂鄭伯突入于櫟與此同

不如呂氏說之正

又疏諸例在外稱入○監本訛作諸在例外稱入今改正

傳侍人賈舉注重言侍人者別下賈舉○臣名南按下賈舉與州綽等同及于難齊勇士也故此加侍人以別之凡史文于姓名相同之人必用辨別史記韓信及韓王信是也

傳將庸何歸注將用死亡之義何所歸趣○趙汭補注

曰此句申釋上文君死安歸注誤

傳四翼疏翼以木為筐廣三尺四寸○臣浩按廣三尺之下脫高三尺三字各本俱誤

傳下車七乘不以兵甲○趙汭補注曰傳見莊公所以不書葬又見二十八年

又疏發材官輕車北軍伍校士○考漢書原文應作北軍五校士五訛伍

傳晉侯許之注晉侯受賂還不譏者齊有喪師自宜退

○趙汭曰傳見晉失盟主之義劉氏曰假使晉遂討齊破其城殺其賊未可謂之伐喪也弑君而謂之伐喪諸侯其無討賊者矣臣浩按此義甚正足以糾杜注之謬

傳楚蒍掩為司馬注蒍掩子馮之子○監本脫掩字今添

傳表淳鹵疏史起為鄴令○監本史訛作吳今改正

又疏決漳水以灌鄴旁○考漢志當作決漳水兮灌

鄴旁

春秋左氏傳注疏卷三十六考證